

T 5431/4213

2

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 12 1939

谷水集卷之五

海鹽胡夏客室子看

同邑陳光輝謙山受

七言古詩

谷水集卷之五

陸樊傳帝放絲羅杖杆立樹關歌倒杖杖教琪相倦
湖映有魚飛上每許謀盡說俄然為不洋猶知表
松白入叶黃宮云字故放古嬌驚乾鶴常開好大
枕聽時無深宵舞月柱休休露揮氣機動物琢難

谷水集卷之五

塔佛大學漢和
圖書館珍藏印

海鹽胡夏客宣子著

同邑陳光緯謙山箋

七言古詩

答弟聽鷄篇

隙樊傍舍茂綠罩。杙枒立樹間。歌倒投枝暝。羽倦
啁啾。有鷄巢此每諍譟。盡說鷓鴣為不祥。獨知哀
恤向人叫。棄官太守故放言。矯鸞乾鵲當同好。大
抵聽時屬深宵。璧月挂林珠露耀。氣機動物喙難

拊迎空急。號又徐嘯。遠應譙樓。刻漏傳微。催鄰屋。晨雞報勢。炎詣賀客。何多將亡。惟有禽來。弔我弟。矯衆解求。竒爾兄信。古試相校。俗憎惡鳥。本詩書。諷刺具在。居東告。拮据自謀。牖戶先。漂搖外戒。風雨到。亦許懷音。集泮林。便以敢侮。預相料。比比吳。揚告。訕儔。總是鴉類。士其貌凶。鳥致警。若凶人。自昔明。垂周孔教。

目聽鴉而防凶人當常書座右以為名教干城
杖音啖岐枝木也枒音牙杜甫鵬賦云突杖枒
而皆析說文鴉少美長醜為鵲鵲即爾雅所云
鴉也詩流離之子陸機疏云流離臬也即張

真所云鴉食母者又按嶺表錄異鴉即鴉
以是知莊子所云鴉鴉夜撮蚤察毫末者即鴉
鴉而鴉即臬也杜甫江上獨步尋花云自在嬌
鶯恰恰啼淮南子云乾鵲知來而不知往此修
短之今也辟月已見第一卷按陳勝傳戰譙門
中師古曰門上為高樓以望一名譙故為美麗
之樓為麗譙後漢律曆志
云孔壺為漏浮箭為刻

為山引贈孫輔庭故侯

猿窟淒涼。君子先傷心。家國一朝遷。枕流漱石貞。無悔。孫氏求仁效古賢。當年承世食班祿。身長百。夫有部曲。域中要害究曾中。閒取雲烟縱游。曠故。侯今作種瓜人。槃陸幽盟帶礪湮。巨靈惝怳巨鼇。

遠疑有神鞭驅石新九仞躡巔一簣積五丁劈嶂
兩儀分共嗟移得峻增巧依然聚米列山形白鬣
自哂巧何有或道惠公是前身愚耶巧耶儼未真
請聽老夫一一論爾元磊落負奇志休明矢向嶠
峴試誰從末秩特搜才多見巖疆償戎事高岸為
谷深為陵至尊羣貴不知備已矣神州設險空且
就芳園施位置點頭日集與談心東蹈蓬壺如丘
岑仙人頻指桑田換漁者終迷桃洞尋泥塗甲子
憑相狎抗節私專丘壑深應怪世間逢不若另須

立意啓山林

就小小丘壑中寫出陵谷變遷故侯避世之意
筆陣奇快如野鶴翻雲天馬歷塊矣君子為猿
鶴事見前世說孫子荆語王武子當枕石漱流
誤云漱石枕流王曰流可枕乎石可漱乎曰枕
流欲洗其耳漱石欲礪其齒禮祭義註疏軍旅
之中主帥部領團曲而聚故云部曲續漢書百
官志將軍營五部部下曲史記郤平故秦東
陵侯秦滅後為布衣種瓜長安城東瓜有五
甚美故世謂之東陵瓜也詩云考槃在陸漢功
臣表封爵之誓曰使黃河如帶泰山若礪國以
永存爰及苗裔列子云勃海之東有大壑其中
有五山根無所連嘗隨波上下往還上帝恐流
於西極乃命禺強使巨鼈十五舉首而戴之故
左思吳都賦云巨鼈負首冠靈山也述征記
華山對首陽本一山當河河神巨靈以手擘開
以通河流三齊畧記曰始皇欲過海看日出處

時有神人鞭石下海石去不速神輒鞭之流血
 漢記馬援勸光武伐隗囂聚米為山川地勢列
 子太行王屋二山高萬仞愚公面山居將移之
 帝感其誠命夸娥氏二子負山一措朔東一措
 雍南左傳絳縣人曰臣生之歲正月甲子朔四
 百有四十五甲子矣趙孟曰使吾子辱在泥塗
 又王孫滿曰民入川澤山
 林不逢不若註若順也

畫竹引贈崑山王無穎元慧

嘗讀樂天畫竹詩蕭悅以來名各垂難從遠代求
 筆蹟快有好手生同時同時崑山王無穎一卷萬
 箇寫淋漓崑山先獻夏仲昭最精此藝古人齊後
 輩仿倣誰可繼王翁咄咄逼肖之掀髯矢口談墨

派自矜老腕多丰姿展楮吮毫神欲王嫫竿舞葉
 勢爭竒惟昔子瞻交與可聲價亦籍貴仕飛若教
 迤賤如吾輩推許安免庸人嗤庸人錄錄眼總迷
 與論方產誰真知爾能畫竹我能詩不負東南美
 會稽

庸人但知貴仕之足羨何能知人然幸為庸人
 所嗤正可自信爾末句便露自得意增韻咄咄
 驚怪聲淳化閣帖有衛夫人書云弟子王逸少
 學衛真書咄咄逼人平原君傳曰公等錄錄註
 錄錄隨從之貌爾雅東南
 之美者有會稽之竹箭焉

市虎詞

藜藿畏采誰上山。下來求食晝不還。山旁瘠民全無肉。眈視列城入市間。市人喪魄戰兩股。口乍如瘖復自語。脂髓已盡饜君使。君皮骨何堪飼猛虎。嗷嗷匿身牢掩扉。咆哮莫試爪牙威。惟有公門仍大啓。堂上裁冠饗腹肥。群胥竄去使君在。攫取一充涎吻飢。

使虎能除凶。大快輿情。安知非神獸耶。但恐投畀而不食耳。

賣藥歌贈梅真高士

梅真高士志不群。志在一人壽世人。登科無羨諸

兄貴。異術受授長桑君。保生攻害徹腠理。痲癘每藉刀圭起。且憫力貧迎致難。為謀懸壺向城市。銀丸金液群望施。以養其親育其子。高流道藝越尋常。上古榆枌思頡頏。三品農皇別氣味。五行軒后辯陰陽。奉行天政審人態。進退故法裁新方。不憂九藏邪相感。世補遺宜靈府康。有生未免又生病。盡說療治應詳定。底事輕試無恒徒。一昔溘焉危性命。歎彼顯爵及高訾。七尺堪驕老尚遲。野詛國章全弗畏。湯液妄投輒殺之。屬在親朋情誼切。問

疾但勸無招鑿。而今俊儒出賣藥。兼愛如墨均厚薄。人間凶札定少悲。身計期願當有託。似我已衰抵耄齡。將使龍鍾倍矍鑠。他時天語問淳于。此日地仙延扁鵲。大年頻藉大丹扶。種杏往還賙鄉閭。何用玄纁來藥市。伯休終喜駕柴車。

常考周鑿師掌鑿之政令。歲終則稽其鑿事。惟恐鑿之殺人。是乃仁政也。今貧而失學者。輒學鑿矣。此詩正為此輩鍼砭。史記秦越人為舍長。舍客長桑君過常。謹遇之。長桑君曰。我有禁方。欲傳與公。媵音湊。膚理也。袁准正論云。良醫療病。攻于媵。理痲音慈。說文。痲病也。癘惡瘡疾。又疾疫。周禮。疾鑿四時。皆有癘疾。南華經。有云。物不疵癘。度信詩。盛丹。須竹節。量藥用刀圭。

本草刀圭者。十分方寸七之一。準如梧桐子大也。後漢書。費長房為市椽。有老翁賣藥于市。懸一壺于肆。市罷。輒跳入壺中。梁元帝勸鑿文云。更六一於金液。改三七於銀丸。周禮。疾鑿註引。甄文志。古有岐伯。榆拊。榆一作俞。今按漢書。藝文志。有秦始皇帝。扁鵲。俞拊。方二十。三卷。神農經。藥有三品。上藥。養命。謂五石。練形。五芝。延年中藥。養性。謂合歡。捐念。萱艸。忘憂。下藥。治病。謂大黃。除寔。當歸。止痛。周禮。疾鑿。掌萬民之病。參之以丸。葢之動。註丸。葢。謂神葢。五即心。肝。脾。肺。腎也。形。葢。四即耳目口鼻也。隋書。秦王俊有疾。上召許智葢治之。王夢其亡妃。崔氏泣曰。本來相迎。智葢至。當相苦。奈何。明夜又夢曰。妾得計矣。當入靈府。避之。及智葢至。為俊診脈。曰。疾已入心。當即撲癩。不可治也。果數日薨。韻會。昔夜也。一昔。一夕也。左傳。為一昔之期。明日也。說文。溘。奄忽也。江淹恨賦。云。朝露溘至。漢地理志云。徙吏二千石。高訾富人。貨殖傳云。為天下高訾。

註云嘗讀與資同高嘗謂多資財史記扁鵲曰
 醫俞跗治病不以湯液崔駰七依曰乃有上邑
 俊儒儼然而造周禮司閔凶札則無門閔之征
 註札謂疾疫死也周語天札瘥昏註疫死曰
 札期願解見第二卷南越志云羅浮山有竹名
 龍鍾委宛餘編云龍鍾不翹首貌按杜甫寄高
 適岑參詩云何太龍鍾極于今出處妨註謂年
 老之如竹之枝葉搖曳不自矜持後漢書馬援
 據鞍顧盼帝笑曰矍鑠哉是翁註云矍鑠勇貌
 史記太倉公姓淳于氏名意詔問方伎所長及
 所治病南華經小知不及大知小年不及大年
 神仙傳董奉為人治病不取錢使病愈者栽杏
 數年得萬餘株杏子熟易穀以賑貧有欺之者
 虎輒逐之調之由切周禮大司徒相調註相給
 足也通作周後漢逸民傳韓康採藥名山賣于
 長安市桓帝備玄纁之禮以安車聘之康辭安
 車乘柴車冒晨先
 使者發回道逃遁

題海寧陳近思先生山園

羸政曾誇驅石鞭蓬壺難接海渺然
 逡巡世代同移換到今滿眼俱桑田
 海昌古縣海城外海村淳朴野芋眠
 盡說三神山在此空霄往還來列仙
 卜居果與幽情愜好薛闌闌尋林泉
 長就高樓望西北平疇新色浮雲煙
 乍道媧畱未鍊石隨訝鼈鼉會戴巖
 扉似叩玉屋洞躡屐操筇窳窳穿華堂
 賓友未忍去日共主遊青翠間宗生臥
 看無須畫伯益經搜有軼篇從來丘壑
 多靈異萬里忽能咫

尺連方士遣求終不遇却娛漱石枕流賢

驅石解見前蓬壺解見第二卷楚辭遠望兮

眠陸机赴洛中詩林薄杳阡眠呂原濟曰阡眠

原野之色丹鉛總錄云李白賦彩翠兮芋眠芋

茂盛貌作芋眠亦通三神山見第二卷張衡西

京賦云通闌帶闌註云市墻曰闌市門曰闌陶

潛懷古田舍詩平疇交遠風良苗亦懷新三皇

本紀女媧氏鍊五色石以補天屈原天問云鼇

戴山柝何以安之按列仙傳有巨靈之龜背負

蓬萊之山而柝舞滄海之中左思吳都賦所謂

巨鼇負首冠靈山者也又按列子勃海之東

有壑其中有山曰岱輿曰員嶠曰方壺曰瀛洲

曰蓬萊五山高下周旋三萬里仙聖所往來其

根無所連着隨波上下仙聖訴于上帝帝恐流

于西極失群聖之居使巨鼇十五舉首戴之迭

為三番六萬歲一交焉孟浩然夜歸鹿門歌云

岩扉松迳長宋寥茅君內傳云王屋山之洞周

迴萬里名曰小有清靈之天辟音教篠音篠辟

篠深遠也南史宗少文曰名山恐難徧睹惟澄

懷觀道臥以遊之凡所遊履皆圖之于室吳越

春秋禹登南岳得金簡玉字通水之理使益疏

而記之名山海經

漱石枕流見前

悠然閣歌

萬物森著迎人目真意悠然隨見足形影營營神

釋之忘言應未忘巖谷欲去家鄉遠覓山欣厭紛

如情弗聞五嶽往從愁道路為遊時幾究應還人

生具有會心處山在非遠非近間近處得山魚遠

勢有園成趣且連第升磴可尋列嶂崇陰崖又上

八

層。譙。麗。麗。譙。環。受。竹。樹。煙。芙蓉。獨。吐。當。前。翠。每。從。
 清。晝。看。分。明。倍。佳。日。夕。迷。深。邃。此。中。洵。云。地。自。偏。
 不。與。陶。令。結。廬。異。陶。令。當。年。歸。去。來。荒。存。三。徑。但。
 持。盃。飄。馬。獨。飲。東。籬。下。采。彼。菊。英。裛。露。開。古。人。酒。
 賦。流。芳。在。踵。事。重。憑。今。代。才。今。才。蚤。歲。揚。名。姓。况。
 也。共。推。門。望。盛。偏。于。物。外。樂。忘。言。能。謝。車。馬。棲。幽。
 勝。危。閣。迴。收。天。地。寬。蒼。茫。送。眼。群。峰。映。一。時。觸。景。
 見。南。山。柴。桑。古。句。生。新。興。見。山。之。人。伊。何。人。仙。愛。
 樓。居。高。有。隣。樓。居。雲。齊。山。出。雲。雲。山。悠。然。是。見。若。

敘。悠。然。見。山。霞。才。思。雲。興。霞。蔚。而。前。後。自。相。映。
 發。○。淵。明。飲。酒。詩。結。廬。在。人。境。而。無。車。馬。喧。問。
 君。何。能。爾。心。遠。地。自。偏。採。菊。東。籬。下。悠。然。見。南。
 山。山。氣。日。夕。佳。飛。鳥。相。與。還。此。中。有。真。意。欲。辨。
 已。忘。言。此。詩。全。本。其。意。發。揮。總。結。出。悠。然。之。致。
 故。佳。莊。子。有。云。無。盛。鶴。列。於。麗。譙。之。間。蓋。城。上。
 為。高。樓。以。望。名。譙。故。謂。美。麗。之。樓。為。麗。譙。淵。明。
 襟。詩。云。秋。菊。有。佳。色。裛。露。掇。其。英。裛。乙。及。切。香。
 襲。衣。也。杜。詩。雨。裛。紅。藥。冉。冉。香。南。史。
 齊。明。帝。紀。有。云。但。檢。門。望。不。復。彈。坐。
 為。周。西。雍。題。王。無。穎。画。竹。

何。可。一。日。無。此。君。王。猷。名。語。在。昔。聞。于。今。愛。竹。仍。

王。氏。華。底。長。教。勢。掃。雲。周。郎。瞥。見。驚。好。手。食。貧。思。

富。渭。川。畝。案。有。晚。菘。與。春。韭。又。得。琅。玕。滿。戶。牖。幾。

紙氤氳墨不乾。小齋三伏也生寒。依稀沾灑湘靈淚。却倚喬家翠袖看。

世說王子猷寄人宅住便令種竹或問何煩爾王指竹曰何可一日無此君史記渭川千畝竹及名國萬家之城帶郭千畝其人皆與千戶侯等南史文惠太子問周顥菜食何味最美對曰春初早韭秋末晚菘吳志喬公二女皆國色孫策納大喬使周瑜納小喬杜詩天寒翠袖薄日暮倚修竹

題仇英所画元日鍾馗像

吳俗三元迎建寅。中堂像設鍾馗神。崇教佞唱已儼舊。祥與桃符共袪新。高瞻雲物乾坤謚。聊折梅

枝冠插春。一從鍾氏嗣黃父。世間似覺無復蠱鬱壘。神荼功益隆。山魈木客歲何覈。去年無恙又今年。得歲占人好歌舞。甲香蠟燭望空燒。酒茗果餌潔相邀。芳草放蕙色映袍。芳梅綽約幙上翹。山阿薜荔女蘿裏。多使東風和氣饒。回思天寶寵妃子。清流歲歲誇桂葉。牡丹竟催蜀道難。白馬終致朱代李。名花無利唐國家。除妖當悵未除此。惟羨梅曾商。鼎調悠然星宿仰。箕尾。

此與弇州題錢升寶鍾馗移居圖詩並饒逸趣莊子稱傳說乘箕尾而比于列星此借與說命

作梅縮合巧妙○三元解見第一卷後漢鄧后紀云滅逐疫侂子之半禮儀志云先臘一日大儺謂之逐疫其儀選中黃門子弟年十歲以上十一以下百二十人為侂子皆赤幘阜製執叢黃門令奏曰侂子倘請逐疫于是中黃門倡侂子和侂音震薛綜曰侂之言善也善童幼子也月令大儺鄭註云日歷虛危有墳墓四星之氣為厲鬼隨強陰出以害人故儺却之也荆楚歲時記元日造桃板着戶謂之仙木又曰貼畫雞于戶上懸葦索插桃符其旁百鬼畏之神異經南方有人以赤蛇繞項以鬼為飯以霧為漿名黃父鬱壘亦作儻後漢書大儺設桃梗鬱儻註引山海經云東海中有度朔山上有大桃樹蟠屈三千里其卑枝門曰東北鬼門萬鬼出入上有一神人一日曰神荼一日曰鬱壘主閱領眾鬼之害人者執以葦索而用食虎于是黃帝法而象之立桃梗于門戶上畫鬱壘持葦索以禦凶鬼風俗通云黃帝書稱上古有神荼與鬱壘兄弟

二人性能執鬼也山魃獨足鬼也神異經西方有惡鬼長尺餘但捕蚤蟹炙食名曰山獠其名自呼人犯之則發寒熱惟畏爆竹穀該聞錄云李畋隣仲叟家為山魃所祟畋謂叟夜爆竹數十竿至曉寐狀安貼則山魃其即山獠耶幽明錄云木客生南方山中頭面語言不全異人但手脚爪鉤利居絕岩之間又亦殞殮與人交易而不見其形又唐詩有木客詩曰酒盡君莫沽壺傾我當發城市多囂塵還山弄明月南州異物志云甲香大者如甌襟眾香燒之益芳合香者用之本草集解云海螺厝曰甲香以甲香同沉麝諸香治成焚藝唐李義山所謂沉香甲煎為庭燎者即以此放音昉患音沸漢郊祀歌相放患顏師古曰猶髣髴也僕也僕也僕頭周武帝所制裁幅巾出四脚以僕頭乃名馬屈原九歌其二咏山鬼云若有人兮山之阿被薜荔兮帶女蘿註女蘿兔絲也薜荔兔絲皆無根緣物而生山鬼亦奄忽無形故以為飾樂史序天寶中禁

中重木芍藥移植沉香亭上與貴妃賞之木芍藥即牡丹也未幾安祿山反上幸蜀中通鑑唐天祐二年梁王朱全忠殺裴樞等三十餘人於白馬驛初李振屢舉進士不第深疾縉紳之士言于全忠曰此輩自謂清流投之黃河使為濁流全忠笑而從之四年帝禪位于梁

晴竹圖題詞

昔人輸我今愛竹。有美能教都入屋。四座長霏個個清。一簾映澈猗猗綠。此君直節立無敵。每嗟風雨來相欺。惟當澄霽見正格。脩竿不動轉影遲。非比花嬌愁曬烈。略如松茂起濤微。扶木以西虞淵東。衛淇湘澤款從容。羲和緩轡浮瑤靜。交加高翠

摩蒼穹。入林淡沲凝心目。無邊景色今昭融。陽烏故是常時見。未少陰霾旦晚變。愛竹當知愛畫晴。嬋娟接照姮娥艷。

秉心正直借竹為喻耳結寫情景更饒藻采。淮南子扶木在陽州日之所曠註即扶桑也。又云羿請不死之藥于西王母姮娥竊之奔月宮。姮娥羿妻也服藥得仙為月精杜甫醉歌行云春光淡沲秦東亭沲唐何切

露竹圖題詞

大園含清宵露零。方與鍾美叢竹生。竹受露珠葉葉滿。夜光徐待曉光升。市聲漸沸華滋隱。碧鮮猶

是拂塵清。思留厭浥。竟日看。快得淋漓。繪事精氣。
 通霄漢。噓甘液。浸藪萬里。濕相蒸。琅玕餘潤。暈苔
 石。膏澤不晞。時若增。一筇扶老。飛身輕。弗惜沾衣。
 遠取程。乍憩三危。穿嶰谷。青蕤翠葆。殺空迎。盡洗
 帝子湘水。淚兮灑。仙人金掌。靈又合。來朝餐沆瀣。
 化龍迴御。列真庭。

東晉崇丘詩云恢恢大園註云天也又云漫漫
 方輿註地也左思吳都賦其竹有云檀欒輝媚
 玉潤碧鮮註云如碧之鮮也五代扈載以庭竹
 可爰作碧鮮賦詩云厭浥行露注厭浥濕意焦
 氏易林有云鳩杖扶老衣食百口陶潛歸去來
 辭云策扶老以流憩呂覽伊尹說湯曰水之美

者三危之露說文蕤草木華垂貌顏師古漢武
 五子傳註云草叢生曰葆青蕤翠葆以狀竹也
 三輔故事漢武帝以銅作承露盤高二丈上
 有仙人掌承露杜甫江陵送馬大卿詩有云卿
 月昇金掌王逸楚辭六氣註引陵陽子明經云
 冬食沉瀝北方夜半氣也神仙傳壺公以竹杖
 與費長房騎至家以
 杖投葛陂即化為龍

劫灰詩 余壻朱彛敘秀水人一佃農來訴

土淺田瘠。余曰。土淺當勤力深耕耳。農曰。
 此田畊不能深。僅尺餘。下即灰土矣。余問。
 何為灰土。農曰。其土作灰色。若曝乾之。質
 亦輕。不可種藝。灰土上為美土。厚四五尺。

方為腴畝且有穿地丈許始見者不及二尺是最瘠也秀水遍野皆有。余曰歎此為劫灰矣。梵經言之。秦記載之。何意吾郡見有向竟無人道及者。作詩以紀其異。

壞劫世界生三灾。大火大水大風吹。天地已空重成住。水乾風息火餘灰。灰上次第積塵濁。人亦漸生事畊作。秦葬驪山穿極深。相傳見灰尚欲鑿。後代僧從天竺來。得讀釋典事方覺。

梵語劫波。此云時分。俱舍劫章云。三小灾。飢饉疾疫刀兵三大灾。水火風也。又云。一大劫盡有。

一火灾起壞至初禪。如是七火。又一大劫有一水灾起。則有七水壞。至二禪。又七火。乃有風灾起。壞至三禪。高僧傳云。漢武帝穿昆明池。底得黑灰。無土。問東方朔。朔曰。可問西域人。明帝時竺法蘭來洛陽。有憶方朔言。乃以問之。蘭云。經云。天地大劫將盡。則劫燒。此燒劫之餘灰也。乃知朔言有徵。

題王無賴細竹四幅帙

摹古寫竹。今王翁。季齊。恭士。老益。工。時作卷軸。携贈我。又于幾紙。圖細叢。紙皆卑狹。不險尺。雲梢烟葉。纖纖積。一立晴明影。並端一撼風。颯勢偏剝。景象隨時態。莫窮露零雪。壓筠姿。滌倒。噓涼氣。透練。

衣旁灑清光。霏卷石。試對林下呼昔賢。聞若磨者。
文丹淵次第與通蘇子瞻。重出舊管花長鮮。自從
真宰生材始。仍是東南許有美。谷寬到處得看君。
水澳都疑即瞻彼。長思縮地數臥游。名手匠意能
成此。主人愛翫興如何。盡日悠然但放歌。好憑片
幅收空闊。不數渭川千畝多。

無類常于扶寸小幅中寫烟枝露葉有千畝之
勢此詩獨善于形容。說苑魯有恭士名機記
行年七十其恭益甚冬日行陽夏日行陰晉書
王導為太保時庫藏竭惟有練千端不售導乃
自製練布衣朝士效之練乃驟貴說文磨以言
對也集韻或作磨文與可號丹淵神仙傳費長

房遇壺公能縮地千里聚
在目前臥游解見前卷

織女詞

星未分垣若貫珠。我披閭闔叩宸居。為言人世艱
衣食。婦織男耕筋力痛。天公嬌愛有弱女。時時撮
矢笑投壺。聞言即勅當罷戲。必親杼柚時勤劬。置
機特擇清漢澁。滔滔濯錦色更殊。機身前厚浚欲
起。支以鍊石非砥砮。三日遽看斷五匹。輕妙一一
皆六銖。旋下九霄不記歲。大槩隸首遮紛如。陽輪
九落羿并死。有妻犇月留蟾蜍。聯璧忽離司晝夜。

二十八壑。今天衢。重憶舊游。叱噀御。彌空歷歷。種
 白榆。天公道。故為置酒。天孫歛衽。亦前趨。年華增
 得容顏。盛不審。今曾擇壻。無。

代天孫作情語。可入玉臺新咏。離騷云。吾令帝
 閨開。閨兮倚閨闔。闔而望予。淮南子曰。排闥闔。闔淪
 天門。註云。閨闔。始升天之門也。魏邨。鄆淳。投壺
 賦云。撮矢作嬌。累掇。聯取神異。經云。東王公與
 玉女。投壺。臬而脫。誤不接者。天為之笑。陸機。牽
 牛星詩。昭昭清漢。暉益州志。成都織錦。既成。濯
 于江水。其文分明。勝于初成。故駱賓王詩云。濯
 錦江中。霞似錦。杜甫詩云。錦江春色。來天地。此
 詩。則託言天漢。可濯錦。猶小雅咏牽牛。不服箱
 鍊石。解見前。賦。硤石之次。玉者。子虛賦。作武夫
 註云。赤地白采。葱蘢。白黑。不兮。按山海經。會稽
 山下。多硤石。云。菴林。伐山。云。按博物志。天女衣

六銖。又云。五銖。北里志。所云。玉肌無疹。五銖。輕
 也。梁簡文帝詩。有云。帝馬皆千轡。天衣盡六銖。
 魏張淵。觀象賦。云。陟秀峯。以遐眺望。靈象於九
 霄。註。九霄。天也。道書。所云。神霄。青霄。碧霄。丹霄。
 景霄。玉霄。琅霄。紫霄。太霄。後漢律曆志。云。記稱
 大撓。作甲子。隸首。作數。二者既立。以此日表。以
 管萬事。註引呂氏春秋。曰。黃帝師大撓。博物記
 曰。隸首。黃帝之臣。一說。隸首。善筭者也。淮南子
 云。堯時。十日並出。草木焦枯。命羿。仰射。日中。其
 九日。九鳥皆死。墜其羽。翼。故屈原天問云。羿焉
 射日。鳥焉解羽。淮南子曰。姮娥。羿妻也。張衡。靈
 憲。曰。姮娥。奔月。是為蟾蜍。周禮。保章氏。以星土
 辨九州之地。所封。域。皆有分星。漢地理志。秦地
 于天官。東井。輿鬼。之分。星。魏地。觜。參。之分。星。
 周地。柳。七星。張之分。星。燕地。尾。箕。之分。星。齊地。虛。危。之分。星。
 地。昂。畢。之分。星。楚地。翼。軫。之分。星。吳地。斗。分。星。
 室。東壁。之分。星。楚地。翼。軫。之分。星。吳地。斗。分。星。
 室。東壁。之分。星。楚地。翼。軫。之分。星。吳地。斗。分。星。

粵地牽牛婺女之分。楚二十八宿皆有分。楚故曰二十八。楚御謂御風而行。皮日休道室焚脩詩云。颺御有聲時。杳杳。

谷水集卷之六

海鹽胡夏客宣子著

同邑陳光緯謙山箋

七言古詩

題梅竹雙清卷歌

天。地。生。人。故。有。私。南。方。物。產。每。多。奇。嬋。娟。美。竹。寒。無。改。改。歲。梅。花。先。滿。枝。梅。枝。天。糾。群。龍。舞。領。下。明珠。百。斛。吐。臘。月。裂。苞。限。月。繁。春。仲。雪。光。猶。是。嫵。玉。鱗。蛻。片。壓。蒼。苔。驚。醒。籜。龍。穿。蟄。土。社。燕。重。來。探。竹。

生梢長節亞上番成。芳梅結子新陰裏。箇箇檀欒
起與迎。舊叢催就嫩竿密。涼影策搖炎暑晴。隕霜
積霰彌高翠。好映白華絳跗橫。世間品類不知數。
此二可同謚。曰清。所以古人胸盪俗興寄。畫梅與
畫竹。風流文采王先生。兩收名筆合裝軸。吳鎮王
冕繪何在。元美題詩畱細讀。今人藝解古人如。墨
妙有時歸老夫。似當雲靜湘潭濶。直見關山明月
孤。亦聯梅竹雙清卷。亦識長篇情景舒。我歌自耻
居王後。惟肖園林處。處圖。

敘花謝竹萌參差歷落可喜同謚曰清更覺要
語入妙。爾雅正月曰陬冷齋夜話蘇子瞻邀
劉器之燒筍食之為倡曰不怕石城路來叅玉
板師聊憑栢樹子與問籜龍兒又朱喬年詩云
春風吹起籜龍兒俱指筍也上番見前唐楊炯
喜在盧前耻居王後先生藐視弇洲故結語及
之

凝露軒歌

諸花開遍花王開。朶豐一尺吐層臺。唐家天寶際
全盛。貴重特移禁苑栽。至尊歡笑寵妃侍。歌詩新
製謫仙才。清平妙曲疊三首。一一菁華漱人口。露
濃再詠露凝香。麗色最宜甘瀝受。自後篇章作者

谷川集 卷之六
多也。曾入奏御前否。御前惟奏供奉詞。天樂聲長
今正飛。盈然紅艷。添姿媚。羣玉煙生。巫雨微。華軒
四敞。迎傾國。拂檻倚欄。升旭遲。叢邊把酒。芳相告。
爛熳及時。須醉倒。老我濡衣。猶興狂。袖舞起。唱東
風好。東風倍有。可憐春。多將膏沐。耀妝新。不似漢
宮無限恨。冶游媚態。兩相親。曉雲籠暈。潤態駐亭
午。蒸霞滋倍明。斟來金掌。宵中液。浴出瑤臺月下。
神名花種。此真得地。盡日香枝。露尚凝。

織華蘊藉。婉約風流。直似白露映于行間。名花
燦于字裏。○本事詩云。白入長安。賀知章見其

詩稱歎數四曰。子謫仙人也。清
平調詳見第三卷。金掌解見前。

雪香菴歌

孫康嗜書讀未已。荀令來過常徙倚。座上縈回清
韻畱。遍空皓潔寒輝起。經久春深三月溫。依稀往
事即今是。旋曉有芳列茂林。一時素絢一園美。園
與藐姑射山同。主人結廬憩園中。皎如玉樹立埃
外。綽約群資次第從。是時洗妝晴雨紅。看葉微描
腰舞風。晝光淡蕩夕陽闊。迢迢張公大谷通。曾分
幾本霏庭院。虛室生明何彼穠。新景迎前憶古句。

獨許青蓮指點工青蓮應制仙才發行樂鋪詞真麗切第二篇歌第二聲。照眼梨花成白雪。白雪白花鮮色同。花更飛香滿宮闕。和氣均施感物華。樊圍應非禁籞別。玉樓金殿杳唐年。斷章于此鼎來說。蚤梅曾到剡谿思。無奈青陽稚力微。授簡重招末至客。江南江北競靈枝。香生泚序消寒去。菴擁梨雲作雪遲。并使花時嫩。柳色黃金變。白絮爭飛。

此菴獨種梨花故名雪香。李白宮中行樂詞云。柳色黃金嫩。梨花白雪香。此詩全用李詩點綴宛轉。關生工巧獨絕。宋齊語曰。孫康家貧嘗映雪讀書。襄陽記。劉季和云。荀令君至人家坐處。

三日香莊子曰。藐姑射之山有神人居焉。肌膚若水。雪綽約若處子。閉居賦。張公大谷之梨。廣志。洛陽北芒山有張公夏梨。甚甘也。李白傳云。玄宗欲得白為樂章。召入。遂援筆成文。婉麗清切。無留思。楊雄羽獵賦。有云。禁籞所營。註。禁籞。禁院也。按籞與籞同。折竹以繩連之。使人不得來往。漢書。匡衡傳。諸儒語曰。無說詩。匡鼎來。服虔曰。鼎猶言當也。若言匡且來也。應劭曰。鼎方也。語。林王子猷。居山陰。大雪夜。眠覺。四望皎然。忽憶戴安道。時戴在剡。溪便乘輕舟。就戴。爾雅。春為青陽。註。青陽者。氣青而溫。陽。謝惠連雪賦。云。相如未至。居客之右。又云。授簡于司馬大夫。曰。抽子。秘思。

種竹歌 弟瀛太守有種竹種蔬種梅種蓮

詩園中此四者為多也余亦歌以和之

吳興太守昔畫竹姑孰太守今種竹種來不異畫
來看看足又有筍餐足子瞻曾謔吳興饒與可啖
筍噉捧腹惟弟培植候筍生最後自嘗先親屬老
髡食拍動何頻相過定饜籜龍肉賦歸菽園躬率
奴非責民供非竊祿我家清節畏人知天地無慚
播詠宜和歌何必求新句義在斷章取衛淇謀飽
并為思有斐春盤不諼見萌時自茲百歲情弗惰
瞻綠兼吟懿戒詩

此詩非徒見耿介之志亦以見友睦之情。子瞻貧營谷記有譴文與可詩曰渭川修竹賤如

蓬斤斧何曾赦籜龍料得清平饒太守渭川千
畝在胸中噉極虐切大笑不止也師古曰噉謂
唇口之間大笑則見故謂笑為噉日者傳云司
馬季主捧腹大笑元次山集覓規云季川云統
復不言統有意乎季川者次山之弟統者兄之
別稱也左傳宣公四年楚人獻龜于鄭靈公子
公之食指動以示子家曰他日我如此必嘗異
味晉陽秋云晉武帝問胡威卿孰與卿父清威
曰臣父清畏人知臣清恐人不知因語衛武公
年九十有五猶箴儆于國于是作懿戒以自儆
註懿讀為柳
大雅柳詩也

種蔬歌

令弟棄官養慈親慈親學佛久絕葷特治舍旁數
畝隙蔬品時時可薦新雨餘摘甲質如玉露裏剪

莖味倍珍。化工生物給生人。青滿冬畦况入春。長
 架短籬蔓瓜豈。炎日多遮涼送頻。仕路多危歸隱
 好。下安童稚上安老。况是老母智甚明。古凡自安
 藜藿飽善飯。何須庖有肥。年踰八十容同少。昔日
 拔葵今種蔬。可知出處事。應殊膝前曳耒勤其力。
 肉食尤堪鄙。絕裾

朴語具有新致。結更道警。世說新語韓康伯
 毋隱古凡毀壞卞鞠見凡惡。故易之答曰我若
 不隱此汝何以得見古物。史記廉將軍雖老尚
 善飯。又云公儀休為魯相。食茹而美。拔其園葵
 而棄之。晉書溫嶠太原祁人。平北大將軍劉琨
 請為參軍。元帝初鎮江左。琨令嶠奉表勸進其

毋崔固止之。嶠絕裾而去。其
 後毋亡嶠阻亂不獲歸葬

種梅歌

我乘青陽排帝閭。白榆歷歷種三垣。定道東風當
 首及。入眼何有萌芽新。一樹葉濃蟠月窟。為問吐
 蕊須秋旻。材生天上也。遲暮不如歸去。觀家園季
 方向自棲林下。滿林高雪晴來射。已從解凍蘇蟄
 龍。玉鱗光動驪珠瀉。弟邀兄。憩共棲遲。屠廡正喜
 未傾壘。迎元得壽人相賀。物華便發最先梅。遠郊
 亦合一時綻。何似城心繞屋栽。共玩梅花真樂事。

裁得梅花事非易。判核行根五歲長。方解含香朶
初試。十年盈把百年抱。得成盈抱當珍異。幾家養
榦數十年。同到我家花萼萃。連枝相對倍可怡。好
趁春芳日日醉。

起有奇思頗似盧玉川結句如宋之問詩自有
夜珠來正以關合為雋○古詩天上何所有
歷種白榆漢楊雄長楊賦西厭月蝟音窟月所
生也李羣玉梅花詩云玉鱗寂寂飛斜月莊子
云河上有緯蕭而食者其子沒淵得千金之珠
父曰珠在驪龍頷下子得之必遭其睡也杜甫
詩云自得驪珠覺夜明博雅云磨麻菴也一作
屠蘇蕭子雲雪賦云沒屠蘇之高影通俗文云
屋子曰屠蘇魏畧云李勝為河南守廳事前屠
蘇壞四時纂要云孫思邈有屠蘇酒方蓋取菴

名以名酒後人遂以為酒名一云屠者屠絕鬼
氣蘇者蘇醒人魂歲華紀麗云屠蘇草菴名昔
有人居草菴中每歲除夕遺里閭藥令浸井中
至元日取水置酒尊飲之不病疫今人不識其
名但曰屠蘇而已時鏡新書
云元日飲屠蘇酒從少者起

種蓮歌

江南女兒手當橈。閒從水面撥輕舠。採得蓮梗聚
房子。小姑少婦同笑嬌。江南男兒脚當鉏。閒從水
底踏填淤。採得蓮根長節藕。戴老戴童同笑呼。此
事江南成習俗。此俗江南喜常足。民間歌可被管
絃。傳有江南採蓮曲。採蓮處處又年季。作歌當自

種蓮先。近汀遙渚栽排滿。暄日薰風蒼葭鮮。即看
 弟氏幾晦沼。望如玉井葉田田。沼畔水芝俟時發。
 春歸氣候常炎熱。納涼綺席臨清流。清流葩艷高
 柄揭。五月六月見芳姿。七月八月芳未歇。座中不
 復入歌蒸。但快香風入締絡。新房新藕遞登盤。誰
 將沉李浮瓜說。古稱竹箭利揚州。試論荷蕖應並
 收。將同蜀徽駿。鳩富又比習池騎。馬遊弟領丹陽
 郡。刺史郡湖百有六十里。湖產至多弗較錢。居官
 科。下戒為耻憶昔衙齋共夏秋。不知藕味與蓮子。

今歸營此一淺灣。食蓮兼愛蓮華美。我來為賦種

蓮歌。江南隱勝江南仕。

古人多咏江南可採蓮。此獨說江南種蓮之樂。
 蕭灑塵外直與周茂林愛蓮說同為味道之言。
 其○杜甫秋日荆南詩云。湯地雖險固。遼海尚
 填淤。溪漲詩。馬嘶未敢動。前有深填淤。載與耆
 同。左傳。僖公七年。天子使宰孔曰。以伯舅耆老。
 漢孔光傳。犬馬齒。載。音。襯。毀。齒。也。男子八月
 生。齒。八歲而盡。女子七月主。齒。七月而盡也。東
 觀漢記。耿嵩。齒。童介。狀。特立。詩。彼澤之陂。有蒲
 菡。菡。鄭箋云。菡。本又作。荅。戶。感。反。菡。本又作。菡。
 大感反。說文。作。菡。蘭。太倉王育說。文論。正曰。未
 發。為。菡。蘭。已。發。為。芙蓉。韓愈詩。太華峰頭玉井
 蓮。花開十丈藕。如船。古詩。江南可採蓮。蓮葉何
 田田。古今注。芙蓉。一名水芝。曹丕與吳質書。浮
 甘瓜于清泉。沉朱李于寒水。周職方氏揚州利

金錫竹箭漢書汶山之下有駿鳩注芋也駿古
蹲字襄陽記峴山南習家有天池種芙蓉菱芡
山季倫臨
池輒醉

題竹

戊申六月風滿天。遠從崑山飛一箋。王翁念我福
七十。寫贈篔簹翠幾竿。為言嫋嫋垂綸好。今合鈞
璜如滋泉。緘書畫障媿情厚。碧鮮真可擬衰醜。生
長徒自老。東南中心空。空何所有暮。序姿雖案柏
同。賦材用無棟。梁受筆墨已看美。會稽學脩斐亦
淇。澳否惟愛高筠。挂敞廬埽却。歎蒸宜對酒。

借此君以自嘲而林下興自不淺○漢樂府白
頭吟竹竿何嫋嫋魚尾何篸篸異物志云篔簹
竹生水邊長數丈異苑曰建安有篔簹竹節中
有人長尺許頭足皆具故王彪之閩中賦云竹
則篔簹涵人桃枝育蟲尚書大傳曰文王至磻
溪見呂望拜之望釣得玉璜刻曰周受命呂佐
昌水經注云滋泉隅有石室蓋太公所居水次
平石即太公垂釣處唐鄭鳴津陽門詩有云金
雞畫障當采魚杜甫有劉少府山水障
歌李尊師山水障子歌碧鮮解見前

戲為女雛歌

女奴生女雛齡四。日向書齋張口示。一二果餌遣
去纔。逡巡又復牽衣至。欲喝隨停不忍伊。老人怕
惱幼孩啼。待看今浚羞前進。應有眉鬢盛時但

得老年看汝長。不妨背指老人嗤。

似憎似惜妙在無情有情之間。鬢音翦鬢也。宋玉招魂盛鬢不同制注盛飾理鬢也。

弟瀛往棲秦駐山有寄

邑境多名勝。九十有九山。一山最雜吞大海。朝潮

夕汐蓬壺還。秦帝特來此駐蹕。亟遣方士求長年。

揚子朝宗不饗璧。神山偏拒載童船。自呼真人侈

游觀。輻輳載鮑臭。可憐友于却饒入道緣。山對縣

城僅十里。峯翠近與莽蒼連。從家來往事亦易。丹

壚高置白雲間。老衰辜負好林泉。揣量筋力怯躋

攀弗若。姑子何氏弟。淮南雞犬相後先。誰料藥成

預分我茅。盈竟共小君仙。

秦始皇本紀云有人持璧遮使者曰為吾遺滹

池君今年祖龍死使者奉璧以聞使御府視乃

渡江所沉璧也又云徐市上言海中有三神山

名蓬萊方丈瀛洲于是遣市發童男女數千入

海求仙漢書郊祀志云三神山黃金白銀為宮

闕未至望之如雲及至三神山乃居水下臨之

患且至風輒引船而去史記始皇崩棺載輻輳車中

真人不稱朕史記又云始皇崩棺載輻輳車中

九靈王君西靈王母降勾曲山以宴茅君時茅君中君名固小君名衷王母王君授以靈訣受錫命紫素之冊獨言小君者先生以弟為太守故引之

鷹窠頂

海上諸山不勝數。高深百轉微徑取。滄波無盡抱。翠峯內挹湖光百頃許。元世采真蕭鍊師。開出此幽今梵宇。名人高啓與貝瓊。題詩撰記可千古。披藤攀葛上嵯峨。征鳥盤雲亦作窠。翱翔未出貪噴網。飢附堪憐受縲多。

敘雲岫真景終作出世語已看破微塵界矣。杜甫法鏡寺詩冥冥子規叫微徑不復取莊子

苟簡易養也不貸無出也夫是之謂采。月征鳥厲疾註鷹善擊故曰征縲音屑係也又繩也禮少儀犬則執縲賈誼疏有云係縲之註以長繩係之也

秦駐山

我縣城南羣山吐。一山最雄靈氣聚。海天約畧對蓬萊。秦帝求仙曾此駐。翠華巡輦幾何時。那得神人即與期。老夫家傍烟雲久。鸞鶴常隨去復歸。

讀此如聞緱山笙遙見子晉舉手謝時人也

天寧寺佛塔歌

七級差我奉設利。佛燈高照狂癡寐。群龍力護潮
 汐來。一峯收盡諸山翠。瞻洲到處起浮圖。殊勝重
 應說海隅。雖狀阿育莊嚴在。久閱疑非出現如。

翻譯名義集云塔西國浮圖也此翻聚相戒壇
 圖經云瘞佛骨所名曰塔婆法苑珠林云塔此
 云方墳或云支提又云有舍利者名塔無舍利
 者名支提涅槃經云佛告阿難佛般涅槃荼毘
 既訖一切四眾收取舍利置七寶瓶當于拘尸
 那城四衢道中起七寶塔此云設利者蓋舍利
 一曰設利也白居易重脩香山寺詩四望窮沙
 界孤標出瞻洲蓋指南瞻部洲也釋鑑云東天
 竺國阿育王盡收西域諸塔及龍宮舍利夜後
 鬼神碎七寶末造八萬四千塔遍娑婆界在此
 震旦國者一十九所

天寧寺銀杏雙樹歌

馬。嗥。城。西。天。寧。寺。庭。中。銀。杏。古。株。二。賜。額。傳。今。六
 百。朞。伽。藍。似。日。祇。樹。置。挺。柯。散。影。淨。俗。塵。閣。得。慧
 雲。蔽。初。地。縹。緲。浮。屠。豎。相。輪。孫。枝。猶。俟。昂。頭。視。陽
 輪。垂。闌。兩。儀。蒙。木。杪。先。映。扶。桑。紅。潮。音。應。候。梵。音
 沸。千。條。萬。葉。鳴。高。風。綠。深。遮。却。赤。鳥。過。蒼。翠。羣。山
 元。氣。通。一。本。放。花。一。結。子。異。哉。施。受。媾。雌。雄。放。光
 曄。曄。如。星。點。片。晷。光。生。清。夜。中。緇。流。及。耆。或。罕。睹
 我。昔。假。館。常。親。逢。朋。知。相。告。競。相。訊。環。坐。盤。根。目

不瞬歎羨春秋莫與京。商量徑輪試徵信。八人連
臂抱方周。養就巨材仍日進。此事追惟五十年。岸
頽陵出樹依狀。偕游故友多凋落。剩我婆婆榛莽
間。余来看樹茂。勝舊樹定知余老異。前狂態仍餘
詩興在。尚堪筆墨對雲烟。留同菽蒂詩。三百約計
叢林歲八千。

銀杏一經題咏便如珠。樹琪花自是風塵外物。
○海鹽圖經馬皞城越王勾踐築按吳越春秋
吳伐越逢大風車敗騎士墮馬啼嗥夫差駭問
子胥子胥曰風北來助我越必敗後人因以馬
皞名其城翻譯名義集僧伽藍譯為衆園僧史
畧曰園圃生植之所佛弟子則生植道芽聖果

也金剛經祇樹給孤獨園註云給孤獨長者請
祇陀太子園供佛故名祇樹沈約法王寺碑云
慧雲匪由觸石法雨起乎悲心建康實錄云晉
許珣捨宅為寺造塔猶欠相輪一朝風雨相輪
自備訪問乃自刻縣飛至稽康琴賦云乃斲孫
枝酌量所任法華經云梵音海潮音瞿胡桂切
小星也左傳懿氏卜妻敬仲占云八世之後莫
之與京註京大也張衡西京賦量徑輪考廣衰
註曰直經為徑四周為輪爾雅婆娑舞也引詩
婆娑其下李巡曰盤辟舞孫炎曰舞者之容

題王山人無穎畫竹

東南有美神可傳。妙手獨數文丹淵。眉山同時分
一派。後來夏景名媿前。無穎只今得古法。載筆林
間寫碧鮮。似蘇似夏雙幅懸。三伏炎消涼意偏。嘗

讀左氏吳都賦曰其竹檀欒嬋娟。我是老生通訓
詰。欒為瘠銳檀韌堅。嬋狀姿色之美好。娟尤姿美
態輕翩。會心得與子瞻遇。檀欒二義圖為詮。太常
蠲紙凡幾見。疎疎密密搖雲煙。石坡苔草俱芳潤。
掩映嬋娟生韻全。王翁筆墨勁且妍。樂卿梓里藝
故沿。追叩芙蓉城列仙。定應能事許拍肩。披圖高
詠會稽天。淇園湘野遙蟬連。我酌此君難算年。何
日可無語信然。

用訓詰作詩却有新趣借王子猷語作結味更
雋永。○碧鮮解見前丹鉛總錄唐人以漿糶紙

使瑩滑名曰蠲紙。蠲音規。又音桂。唐太宗詩云
水搖文蠲動浪轉。錦文舒言水紋似波也。又文
房譜云。衍波箋紋似波。即蠲紙也。說類云。自唐
以來。呼太常為樂卿。或云太常禮樂之司。不呼
為禮卿。何也。漢食貨志。武功爵第八級曰樂卿。
故後之文人因用之。六一詩話。石曼卿卒後。故
人有見之者。云我今為仙主芙蓉城。呼故人往
游。郭璞游仙詩。左挹浮丘袖。右拍洪崖肩。竹譜
云。淇園殷紂竹箭園也。見班彪志。又漢書武帝
發卒數萬人塞瓠子河。下淇園之竹。以為捷。王
子猷云。何可一日無此君。詳見前。

錢塘懷古

錢唐樂事古今多。重叠青巔繞綠波。山水自來稱
秀麗。女兒生長色如茶。就中蘇家有小小。嬌養春

閨最窈窕。郎來相許結同心。松栢遮天日不曉。歡
情那惜外人聞。當世詩歌後世存。傾國祇今難再
得。尋香不禁欲銷魂。宋朝才彥來剖符。文雅風流
有大蘇。時携樂籍朝雲妓。閒泛城邊西子湖。此湖
彌望碧光鮮。始自唐時白樂天。澄潭寬納群峰水。
流澗旁饒諸邑田。田饒十鍾常一畝。水澄何有泥
數斗。白公美政勝游蕪。樊素小蠻隨載酒。樂天之
後亂無數。此地英雄蚤割據。盛明休息倍繁華。堪
尋油碧香車路。承平典郡憶蘇公。文雅風流白傳

同。昔人舊跡依然在。兵燹餘生感土風。

劉誠意嘗游錢塘其春興有云紫陌塵埃嘶步
景画船簫鼓列傾城于今征戍誅求盡翻對鶯
花百感生此追感于舊游也先生則寄懷于逞
代其悵悵固無殊耳此詩先敘西陵事後幅追
思油壁香車路此是詩家迴顧法復用白蘇締
合作結章法殊工。樂府廣題蘇小小錢塘名
倡也南齊時人錢塘江之西有西陵小小歌云
我乘油壁車郎乘青驄馬何處結同心西陵松
柏下古今詩話白樂天有二妾樊素善歌小
蠻善舞有詩云櫻桃樊素口楊柳小蠻腰

三教弟子崔昭季小像

尼父好學三千從。降心問禮見猶龍。春秋特書夜
明異。預曉佛陀化至東。儒道危言諭萬卷。梵夾翻

譯故未窮。各守師說莫易竟。一人那得能兼通。博
陵獨有負竒士。遍事三教稱弟子。一貫弗疑多識
非。出世可信居家是。簞食瓢飲淡無求。入室升堂
深自詣。支郎在昔推眼黃。關尹至今占氣紫。誰與
游藝善傳神。洙翰圖形能肖真。仙冠髦髦坐磐石。
被服脩狀迴出塵。破顏直欲語言掃。拱手猶能禮
數循。是處禪天與福地。觀空觀妙省其身。歎我童
而習周孔。又聞真人息以踵。何如慧業有文人。後
生可畏老增恐。一生愧未識崔生。曰友人言欽姓

名同心慕道遙相契。不異同門把手行。徘徊阿堵
留餘幅淋漓詩句明相憶。書罷不勝兼愛情。又有
胡非子之墨。

史記孔子卒哀公誅之曰哀哉尼父無自律久
云孔子造周問禮于老子謂弟子曰走者可以
為網飛者可以為矰至于龍吾不能知其乘浮
雲而上天吾今見老子其猶龍耶楚夾解見第
一卷春秋左傳莊公七年四月辛卯夜長星不
見夜明也即周莊王十年也莊王別傳遂即易
筮之云西域銅色人出所以夜明非中夏之灾
也故王巾頭陀寺碑云周魯二莊親昭夜景之
鑒王劭仁壽舍利現瑞記云浮屠即佛陀也猶
沙門與桑門語之轉耳莊子寓言篇厄言日出
和以天倪郭註厄滿則傾空則仰况之于言因
物隨變惟彼之從高僧傳支謙月支人博覽經

籍時人為之語曰支即眼中黃形軀雖細是智
 囊老子至人之息以踵列異傳關令尹喜望見
 有紫氣浮關而老子果乘青牛而過世說願長
 康画人或數年不點目睛或問之曰四體妍媸
 無關于妙處傳神寫照正在阿堵中江淹惜晚
 春詩云霞衣已具帶仙冠不待簪翻譯名義應
 法師云袈裟韻作髦髦葛洪字苑始改從衣翻
 譯名義云十八天分為四禪初禪三天二禪三
 天三禪三天四禪九天名山洞天福地記云有
 七十二福地天台地肺之類是也杜甫玄都壇
 歌致身福地何蕭爽翻譯名義云觀世音者類
 音殊唱俱蒙離苦唐共三歲云觀有不住有觀
 空不住空老子云常無欲以觀其妙常有欲以
 觀其竅莊子曰真人之息以踵衆人之息以喉
 呂註云踵者氣之元息之所自起身以足為踵
 息以所自起為踵皆以其至下言之世說謝靈
 運語孟顛曰得道須慧業文人胡非子墨翟弟
 子漢菽文志敘墨家者流有胡非子三篇卷六

谷水集卷之七

海鹽胡夏客宣子著

同邑陳光緯謙山箋

五言律詩

風

忽覺颯然生。雄雌豈易明。幾會見勁艸。只是落華
 英。號若聲加怒。噫真氣不平。川舟慣是便。或濟或

時傾。

陰風以杼憤。憑結句警乘勢者更雋。錢武子
 云此詩逼真少陵唐書太宗賜蕭瑀詩曰疾風

知勁草昏日辯誠臣宋玉風賦有大王之雄風
庶人之雌風莊子大塊噫氣其名曰風作則萬
物怒號

雲

目高似可掩。天闊任悠悠。乍見陰晴異。終同富貴
浮。霖乾還自散。岫出定誰收。何用持相贈。空庭影
不留。

第四句高逸結借陶貞白語翻作禪語自佳宋
玉九辨皇天淫溢而秋霖兮后土何時兮得乾

月

星淡讓飛規。天空如畫疑。未捐紈扇候。獨憶藁砧

時。有窟憑偷藥。無梯競折枝。三旬今暫滿。二十九

宵。虧。

班婕妤怨歌行云新裂齊紈素鮮潔如霜雪裁
成合歡扇團團侶明月又漢詩藁砧今何在
上復有山何當大刀頭破鏡飛上天
葛常之詩話云藁砧硤也謂夫也

半夜看月

叢薄光都透。乾坤瑩欲空。可知半夜境。即是廣寒
宮。萬象同清景。孤輪出太蒙。叫回窺語者。我在玉

京中。

東坡有云何處無月但少閒人如我兩人觀此
詩更覺絕世獨立之妙說文木曰林草曰薄故

曰叢薄淮南傲真云鳥飛千仞之上獸走叢薄之中龍城錄云開元六年八月望與申天師洪都客作術夜游月宮見一宮榜曰廣寒清虛之府此說亦似有本按淮南子云積陰之寒氣為水水氣之精者為月月者陰之宗也劉禹錫洞庭秋月詩云孤輪徐轉光不定爾雅云東至日所出為太平西至日所入為太蒙晉傳玄天行篇云百川赴陽谷三辰回太蒙竊魚際切音義睡語也唐文粹元結有竊論

雷

空半轂爭驅。豐隆奮手扶。人間未息戰。天上亦援桴。賢聖色會變。英雄膽敢粗。震威須有訖。百里遠聲無。

淮南子季春三月豐隆乃出應劭曰豐隆雷師也易震卦云震驚百里

電

列缺增威焰。激陽迅火流。藏心不可見。眴目故窮幽。斗望祥光繞。壺餘哆笑投。世途終晦冥。礧礧閃難留。

楊雄羽獵賦霹靂列缺吐火施鞭註列缺天隙電熒也河始開圖激陽為電董子曰太平之世電不眴目宣示光耀而已帝王世紀附寶見大電繞北斗樞星而生黃帝神異經東王公與玉女投壺梟而脫誤天為之笑開流光今電是也太平廣記月支國獻猛獸目如天礧礧之炎光

驟雨口號

雲黑乍迎眸。雨急便盈頭。翻地濤飛怒。漏天雲迸
愁。簷傾排挂綆。芥湧亂漂舟。餘有淋漓勢。揮毫共
未收。

余閱古今雨詩喜劉孝威瞻空亂無緒望雷耿
成行之句此寫凍雨之驟更有風檣陣馬之勢
五言愈出愈奇矣。梁益記大小漏天在雅州
西北山谷高深沉晦多雨寰宇記印都漏天秋
夏常雨焚道有大黎山小黎山四時霖霖不絕
俗呼為大漏天小漏天左傳襄公九年具綆在
註綆汲索也南華經云置杯
水于均堂之上則芥為之舟

久雨

塊北積滄吞。屏翳驕自翻。天疑本無日。世耐總皆

昏。英藥委汙地。莓苔侵破門。衝泥來往斷。牕夜共

誰論。

借愁霖之咏寫閔亂之心三四句不堪多讀。
淮南小山招隱云塊考北山曲岬注云塊北相
切摩之貌左思吳都賦有云地勢塊北註塊北
地高下也陸機贈顧彥先詩云望舒離金虎屏
翳吐重陰註屏翳雨師也杜
甫詩有云虛疑皓首衝泥怯

雨不止

漏屋那禁雨。挂簷耐積旬。天應瀉盡漢。畢欲掩諸
辰。書牖長嫌濕。酒鑪并欲漚。瓠傾莫肯歇。豈夢楚
臺頻。

漢書食貨志令官作酒二千五百石率開一盧
註云賣酒之區以其一邊高形如銀家盧故名
司馬相如傳文君當盧註云累土為盧以居酒
甍四面隆起一面高晉書作壚王戎傳有黃公
酒壚說文甍甍似甍也徐引史記
高屋之上建甍水注甍盛水瓶

其二

門。冷。晴。稀。叩。衝。泥。况。有。誰。濃。苔。侵。畫。徑。蒸。菌。佐。朝。
炊。憂。潦。空。謀。野。愁。霖。且。擬。詩。群。蛙。任。四。聒。誰。判。為。
官。私。

莊子齊物云樂出虛蒸成菌劉須溪曰如陰氣
之結為菌蕈爾左傳禪謀于野則獲江淹雜
體詩擬張協苦雨有云愁霖貫秋序晉書惠帝
在華林園聞鬩葦聲謂左右曰此鳴者為官乎

為私乎或對曰在官
地為官在私地為私

其三

晨。戶。光。長。晦。宵。階。滴。到。明。花。愁。日。洒。淚。鳥。怯。曙。吞。
聲。日。月。遮。難。見。波。濤。添。未。平。草。庭。深。沒。脛。足。濯。怪。
斯。清。

其四

世。何。堪。暗。塞。我。却。怨。滂。沱。淪。溺。載。昏。及。泥。塗。可。奈。
何。逐。鳩。拙。故。喚。為。魚。勞。自。歌。倘。竟。無。開。霽。煙。雲。拚。
老。策。

雷雨

夢枕戀高眠。催醒轟耳邊。濕煙低罩日。水氣上黏天。盛怒驅蛟鬪。積汗流壑填。乾坤經洗濯。霽色待澄鮮。

庚闡揚都賦云濤聲動地浪勢黏天本自奇語而韓愈祖之祭張員外文云洞庭漫汗黏天無壁

初霽

雨洗斬新色。天開自古顏。隙光俄看射。夜月定知彎。健翮摩空外。吟蜂戀戶間。興來着屐出。溜決聽

潺湲

句句是初霽物色俱新此鮑明遠所云如初日芙蓉天狀可愛者也杜甫絕句有云楸樹馨香倚釣磯斬新花藥未應飛

人日喜晴

朔雪封梅葉。春疑尚未來。占人喜客至。新霽自天開。弦待今宵月。歌傾盡日杯。郊西高宰堵。屐健上山回。

翻譯名義宰堵波西域記云浮圖此翻方墳亦翻圓塚

穀日晴

豐兆雪凝臘。穀占日得晴。遺民忘世務。垂老託躬耕。種秫又思醉。食薇故戀生。所謀及飽煖。已矣是人輕。

錢武子先生云曠逸中自有深致。晉書陶潛為彭澤令公田悉令種秫穀曰令吾常醉于酒足矣妻子固請種秫乃使一頃五十畝種秫五十畝種秔

春寒

一春時作雨。三月候如冬。躡屐出應怯。擁衾起每慵。花枝嗟艷盡。柳舞剩絲濃。四序知今定。陽和何少逢。

春盡日作

憑人笑我狂。猶憶踏青忙。那便芳時去。空留遊晷長。尋常伴春老。九十恨花殤。餘看綠陰滿。羅敷行採桑。

惜春愛花作情深語却醜藉或問以九十對尋常何居余曰八尺曰尋倍尋曰常此以度與數對也

初夏

初夏丹陽郡。自春官舍留。老夫稽勝蹟。次第想成遊。山色來如畫。庭花吐若榴。清和時正好。孤策慰

雙眸。

廣雅云若榴石榴也。晉張載賦云有若榴之奇樹。此與如画作對新巧。

苦暑

暑氣悶三伏。炎威熾八埏。歎蒸苦長夏。酷虐異他年。枕席難安穩。脂膏盡逼煎。書留如燬句。盡信到

今傳

史記正義曰六月三伏之節起秦德公四時代謝皆以相主立秋以金代火金畏火故至庚日必伏說文埏八方之地也淮南子云九州之外有八埏八埏之外有八紘又司馬相如賦上暢九垓下泝八埏張華勵志詩云土積成山歎蒸鬱真

偶記

誰知天道應。但怪五行愆。陸地龍蛇走。洪波陵谷遷。涼何六月甚。雨更一秋偏。草野私成史。書今無與年。

陰符經云地發殺機龍蛇起陸詩云高岸為谷深谷為陵漢五行志曰視之不明是謂不愆厥罰恒與又曰周失之舒秦失之急故周衰亡寒歲秦咸亡與年師古曰與讀曰煥

七夕

阮巷不知貧。也將瓜果陳。巧剛乞此夕。歡總望今辰。橋羽微風接。機絲炤月新。靈槎難再遇。贈石待

何人。

華而不織當與何遜江總七夕作並傳詩苑竹
林七賢論曰阮咸籍兄子也諸阮內足于財惟
籍一巷尚道而貧七月七日法當曬衣諸阮庭
中莫非綿錦咸時總角豎長竿標大布犢鼻揮
于庭曰未能免俗聊復爾耳杜甫秋興云織
女機絲虛夜月李嶠咏星云蜀郡靈槎轉

中秋臥病

夜曜頻盈縮。瑩光歲幾圓。一年長喜看。八月倍相

憐。久病匡牀夕。空呼飛鏡天。織阿辜負汝。窓外為

誰妍。

愁中景語宛轉清新昔稱劉夢得詩如鏤水雕
瓊流光自炤余謂此首可以方駕莊子艾封人

之子至于王所與王同筐牀註云筐一作匡匡
牀安牀也漢詩何當大刀頭破鏡飛上天淮南
子曰月御曰織阿東督補止詩曰織阿按畧樂
彥曰織阿山名有女子處其巖月歷數度躍入
月中遂為月御則月中女子不獨姮娥也

秋曉起坐偶書

墜月對升霞。秋光映若華。搖窗樹飛葉。綠砌如

花。盡世炎威謝。空庭清氣加。遠遊憶禽向。五嶽是

吾家。

咏搖落之候俱成麗藻非有文通之筆不至此
○漢書向長與禽慶相善游五岳名山不知所
終山海經曰灰野之山有樹青葉赤華名曰若
木日所入處在崑崙西附西極也淮南子曰若

木在建木西未有十日其華照下地高誘注曰
狀如蓮花天問曰羲和之未揚若華何光曹植
與吳質書折若木之華開濛濛記之谷隋
康孟采日云先泛扶桑海返照若華池

海上秋夜

宵半映微光。秋高劃大荒。疎星蒞分野。織月掛橫

塘。濤壯已驅病。颺輕未到狂。朗吟小海唱。聲應一

時商

山海經云大荒之中有山名曰大荒之山日月
所入晉書夏統詣洛太尉賈充曰能作卿土曲
乎統曰伍子胥諫吳王見戮投海國人痛其忠
烈為作小海唱今欲歌之衆僉曰善于是以足
叩舷引聲清激大風應至

重陽

秋暮又將旬。重陽寒景新。登高依故事。送酒待何
人。白雁哀辭翔。丹林訝換春。茱萸空自佩。災世老

風塵

續齊諧記曰汝南桓景隨費長房學長房曰九
月九日汝家當有災宜作絳囊盛茱萸繫臂登
高飲菊酒景如言登山夕還家見
雞狗一時暴死長房曰代之矣

冬暮

曆紀月將窮。蕭條觸眼空。夜長過分黑。日冷不能
紅。恁萎無知艸。終殭多足蟲。世間生意盡。梅老自

芳業

多足如墨子所云馮公之蟲三斷不彊者也世
亂時危幾不知有天日矣無知之氓與有黨之
豪同盡如一丘之貉此第借冬盡以喻
之末句言梅老芳業却似逸民自喻

公子詞

諂笑簇成群。驕憨似半醺。奮拳施罰酒。瞪目禁談
文宵旦。翻憑燭雲霞。並畫裊。怪他簪笠老。筋力為
何勤。

紈袴兒施施自喜。乃顏之推所云有識旁觀代
為入地者也。此寫其驕憨之態。不啻寫真云宵
旦翻憑燭者。行樂不知宵旦也。怪他南畝之勤
便不覺凌虐鄉人矣。豈僅莠麥不分耶。憨呼甘

切愚也。隋遺錄云。司花女袁寶兒。多憨態。虞世
南應詔嘲之曰。綠憨獨得君王寵。嘗把花枝傍
輦行。又宋仁宗朝。李重恩善弈。而形神昏。臆人
謂之李憨。瞪直陵切直視貌。五代史。王衍游青
城山。宮人衣服皆畫雲霞。人望之若
仙。齊語云。首戴茅蒲。註茅蒲。簪笠也。

其二

恃有簪纓貴。佯將翰墨珍。買名力鬪富。殖學腹羞
貧。試席又誰手。傳衣錢自神。孤生休指議。權要足
姻親。

此任末所云行尸走肉耳。何意猶知買名耶。所
結權要。必是僅知伏獵者。大氏六親同運也。
唐溫庭筠每入試。入又手而入韻。成左傳。閔馬
父曰。夫學殖也。不學將落。註云。殖。生長也。言學

之進德如農之
殖苗殖時力反

詠錢

自古鑄金久。當今利用繁。大圓天體肖。一統帝年
尊。笑國權子母。移情變怨息。如泉流易逝。積散不
勝論。

說到天統帝年足表圍法之重結語雋永勝人
多。多許。通鑑前編禹以歷山之金鑄幣以救
人困初學記引綦毋氏錢神論曰體圓應乾周
語景王時患錢輕將鑄大錢單穆公曰古者量
資幣權輕重以救民民患輕作重幣以行之于
是有母權子而行注母重也重大倍故為母子
輕也輕小半故為子漢書食貨志云凡貨寶于
金利于刀流於泉如淳曰流行如泉也又云天

鳳元年罷大小錢改作貨
泉其文左曰貨右曰泉

詠酒

日日滿還傾。聯歡并釋爭。一杯濃淡味。萬種淺深
情。沉湎無惠智。留連有死生。但非花月賞。總是誘
猩。猩。

觀古之愛酒者有云斷送一生破除萬事則酒
之不可愛見矣讀此雖酪酏者亦當警悟陶潛
止酒之詩庾闡斷酒之戒亦何能勝此耶廣志
曰猩猩似狙聲如小兒啼出交趾蜀志封溪縣
有獸曰猩猩體似猪面似人能人語又知人名
人以酒取之猩猩體似猪面似人能人語又知人名
之終見
羈纓也

栽花叟

晦許短籬邊。特英相亞鮮。灌教澤自足。培得地無偏。舉世遲春到。一園迎日先。傾心見草木。深淺向君前。

柳河東郭橐駝傳紀種樹法此更傳栽花法矣傾心向寓意更殷

步韻友人留客夜飲之作

耐到野葬息。重將戶瑾開。樽邀隔歲月。屐破積時苔。事擲千愁過。談增百感來。巖城此宵聚。堪喜亦堪哀。

行臆語自流動非讀杜陵天寶以後諸詩未能臻此說文兵死及馬牛之血為葬葬鬼火也徐曰按博物志戰鬪死亡之處有人馬血積年為葬着地入草木如霜露不可見有觸者便有光拂拭即散無數或作磷詩疏及淮南子皆云久血為磷

無題

仙子知相許。靈源接綵艫。香雲知戀帳。花影愛遮窻。蟾伴盈輪寡。鵲邀停杼雙。俱飛羸蜨。夢夜夜繞銀缸。

才藻芳新風流綽約可入玉臺新咏。艫音霜解艫舟名綵艫猶云綵舟也南華經云莊周夢為胡蝶栩栩然胡蝶也自喻適志與按梁字說文本作蜨太倉王育說文論正云逮古捷字其

飛輕捷
故以夷

閨怨

江南常極望。河北是京華。各欲乘時命。都應忘室家。傍人羨祿秩。終歲飽塵沙。歸待名成後。紅顏鬢有華。

此有伯也。執父之思。洵風人之遺。而終歲飽塵沙。句含醞更佳。或問何居。余曰。今燕臺下馬通。化塵沙。乘風撲面。游宦劇堪憐也。

倡家詞

華底結深誓。枕邊催早償。填河驅烏鵲。宿浦賽鴛鴦。

鴛。白。璧。田。須。種。明。珠。斛。與。量。男。兒。豪。一。世。不。遣。有。離。腸。

向溫柔鄉。寫五陵豪士濃情。具有壯采。梁庾肩吾七夕詩云。倩語雕陵鵲。填河未可飛。搜神記曰。雍伯家于終山。作義漿行者。皆飲之。三年有一人就飲。以一斗石子與之。云玉當生其中。又語曰。後當得婦。乃種其石。數歲生玉。北平徐氏女有行。乃試求焉。徐氏戲曰。得白璧一雙。當為婚。公至。所種石中。得五隻。以聘徐氏。以女妻之。天子異之。拜為大夫。于種玉處。四角作大石。柱中央。一頃地名曰玉田。拾遺記。梁氏女有容貌。石崇為交趾採訪使。以真珠三斛買之。即綠也。

其二

年少人生幾。為歡爭及時。祇應負才士。消受擁名
姬。旁議皆含妬。中情肯變疑。更羸花是筆。寫艷播
新辭。

名士悅傾城。風流自賞
不作狹邪習。語故豪

暮泛鴛鴦湖。至鶴洲草堂

孤艇來何晚。迎霞看墜西。夜波平欲靜。宿鳥倦猶
啼。靄接添湖闊。月鈎隨宇低。一星林杪火。遙認向
門隄。

寫暮泛如畫而
風韻在韋柳間

步韻和童天御故侯秋日海上

又當搖落候。閃眺散牢騷。天外水吞日。風來樹撼
濤。神山一氣近。眼界共秋高。回首揚塵急。凄迎淚
漬袍。

宋玉九辯云悲哉秋之為氣也。蕭瑟兮草木搖
落而變衰。神山見第二卷神仙傳。麻姑謂王方
平云。向到蓬萊。水淺於往
者畧半。東海行復揚塵乎。

送友人往越中

渡浙開殊景。群山媚越天。風流觴詠舊。志業膽薪
傳。一曲湖留鏡。中宵雪命船。囊携遊句滿。幼婦檢

歸編

翰林志賀知章還鄉詔賜鏡湖一曲此與王子猷訪戴事皆翻作景語便有逸致蔡邕題曹娥碑云黃絹幼婦人皆知之此借以贊其妙詠却是越中事故佳錢武子先生云此詩可括一部越志金壘子云輿地志山陰南湖白水翠岩互相暎發故王逸少云山陰路上行如在鏡中游則鏡湖所由名或以為軒轅鑄鏡于此謬也按宋史賀鑄傳其先出王子慶忌居越之湖澤所謂慶湖亦轉為鏡則又在逸少之前得名也

送陸甥遊新安

筆載新安勝。山深水至清。登臨應有賦。衰老未無情。爾忽今能往。吾如向彼行。遊歸憑細說。聽足慰

平生。

敘景述情字字流動作者與誦者並有凌雲御風之思

攜李春波橋夜歸

深夜歸途取。校殊白晝登。人聲喧列肆。鬼市閃千燈。粉遠蝶形矮。黑來橋影升。隣舟闔艣快。搖撼似濤增。

席丘

神劍傾吳殉。為山拔地成。王難貸女死。葬且殫民生。水繞象榭土。丘高席瞰城。芳薨應有伴。鄰竈與

添貞

捷連上声般運也負擔也南史何遠為武昌太守買井水不受錢者捷水還之吳越春秋闔廬死積壤為丘使象捷土冢地四周扁諸魚腸之劍在焉莖之三日白虎據墳又云闔廬有女自殺莖之閭門外鑿地為女墳積土為山竈音翠穿壙也周禮卜莖兆南竈亦如之杜子春註南陽呼穿土為竈唐李紳詩序云真娘死莖虎丘前墓多華草以蔽之羅隱真娘墓詩注云墓在虎丘西寺內

雨華臺謂正學方先生祠敬識

高帝孫傳順懿園世及也愚忠堅一嫡殉血濫諸姐家事殊移姓國刑憤不臣列宗知善述風厲補

經綸

正學先生經綸未遂而奇節足以風勵天下末二句何減陽秋之筆

金山

指雲泛絲艤。掀浪試青鞵。雪漲劃南北。天空略海。淮。估檣。葵底簇。僧屋樹頭排。浮玉登臨快。觀濤副壯懷。

金山之詩以唐張祜樹影中流見鐘聲兩岸聞為古今雅咏狀凡水中山俱可移用若此作則

無語可移矣。○艤音疊小舟也周洪道襟記金山大江環遶每風四起勢欲浮動故南朝謂之

浮玉山

江行

峽雪猛趨東。浪頭高壓蓬。二儀合積水。萬里欲乘風。虎踞埋金在。鷁隨流柁空。古今事未息。天險借英雄。

既有雄情爽氣加以音調英發足為谷王開生面矣視浩然氣蒸雲夢之咏應在伯仲間○金陵者楚威王曰其地有王氣埋金鎮之故名孫吳自京口徙都于此所謂龍盤虎踞帝王之都也晉書王濬傳武帝謀伐吳詔濬修舟艦濬乃作大船連舫百二十步又画鷁首怪獸于船首以懼江神其木柁蔽江而下吳建平太守吳彥取流柁以呈孫皓曰晉必有攻吳之計柁音費削下木片也說文作柁

自潤州江行順風達白下

江勢怒如雷。高檣力劈開。金陵望忽是。鐵峩發還纔。逆浪隨風返。遙山迎水來。布帆無恙駛。今古快同哉。

宗慤所云乘長風破萬里巨浪惟先生具此意興乃有此詩○鎮江志勝云孫權謀拒曹操自吳遷京口謂之京城復築子城固以甃甃為鐵甕喻其堅也

過揚州

揚家二世帝。鳳舸過揚州。破頸何須惜。開河且浪游。雞臺人在否。螢苑火仍流。翻笑昭陵艸。雷塘今

共秋。

隋遺錄煬帝幸江都帝御龍舟蕭妃乘鳳舸隋書煬帝云外間大有圖儂又云好頭頸誰當破之大業記煬帝于吳公宅闔雞臺下恍惚與陳后主遇又云帝于景華宮徵螢火數斛夜出游山如放火光徧岩谷杜牧之有秋風放螢苑春日闔雞臺之句末言唐太宗之葬昭陵與煬帝之葬雷塘共餘秋草不問興亡總堪寤歎

過淮陰

淮陰楚故國。堪此吊王孫。一飯不忘惠。千金侈報恩。早干漂母怒。終拒蒯生言。可許弓藏日。偷生胯下存。

偽游雲夢之後。欲偷生胯下。安可得耶。讀此不勝搯擊。史稱蒯通以相人說韓信曰。相君之背貴不可言。信猶豫不忍。倍漢遂謝蒯通。又云信謁高祖于陳。上令武士縛信。信曰。高鳥盡良弓藏。敵國破謀臣亡。

沛上懷古

項羽浪霸楚。章邯豈王雍。歌風驚逐鹿。望氣詫成龍。蕭相為宮闕。孫行禮容。神靈憑嫚罵。留剪偽

謙恭。

漢項籍傳參兮關中王秦降將以距塞漢道乃立章邯為雍王高帝紀上還過沛擊筑自歌曰大風起兮雲飛揚韓信傳蒯通曰秦失其鹿天下共逐之史記沛公軍在灞上范增說項羽曰

吾使人望其氣皆為龍虎成五采此天子氣也
又曰高祖擊反寇于東垣蕭丞相營作未央宮
高祖還見宮闕壯甚怒何曰天子以四海為家
非壯麗無以重威又并孫通與弟子共起朝儀
上既觀使行禮曰吾能為此漢書王莽傳感高
廟神靈遣虎賁武士入廟斧壞戶牖注謂夢見
譴責以斧
砍壞之

冬日渡滹沱河

滹沱問渡津。今亦下斯頻。日暮炊麥飯。風寒燃束
薪。乳牛供逆旅。老馬向征塵。慚愧雲臺上。功名獨

古人。

純用漢事點綴命意亦豪。滹沱已見第二卷
斯音斯水解而流也。後漢王霸傳云光武至滹

沱河候吏還白河水流漸無船不可濟馮異傳
云至南宮光武入道旁空舍異挹薪卸禹爇火
異復進麥飯曰復渡滹沱河范曄論曰顯宗
追感前世功臣乃圖畫二十八將于雲臺

易州感詠

易水寒風起。荆卿西訣時。擬拚一士死。盡救六王
危。筑聽漸離送。圖開替亢遲。殺身仗而輩。國事可
勝悲。

燕丹之計如弈者不能角勝而欲刺敵手也結
語痛快。史稱燕丹之使荆軻刺秦王也至易
水高漸離擊筑荆軻和而歌曰風蕭蕭兮易水
寒壯士一去兮不復還至秦獻燕替亢之地圖
秦王發圖窮而匕首見按筑似箏十三絃應
劭曰似瑟而大頭安絃以竹擊之故名曰筑按

督亢燕膏腴之地。薊有督亢亭而汝也。

唐山縣

唐山驅馬過。荒陋那堪言。城小畧如堡。民稀不若村。酒殺無處覓。文筆有誰論。興嘆漢宮媛。樂歌安世存。

漢書禮樂志有房中祠樂孝惠二年更名安世樂高祖唐山夫人所作也唐山複姓

曲陽縣北岳廟

嶽祠割半城。曲邑右連并。一石飛遙朔。群槐蔽午晴。蘭臺班帝位。水德奠神京。天黨森如笏。當前次。

第迎。

一統志云曲陽在太行山之陽轉曲處故名相傳舜北巡至此柴望有木石飛墜帝側又云北岳有五名一曰蘭臺府

房山金源諸陵

靺鞨一朝起。房山幾世歸。窮兵江亦渡。厄運蔡終圍。軒烈幽蘭燄。弩銷楛矢威。彼哉元好問。碑手又奚譏。

按金史完顏之先有粟米黑水等七部至隋改號靺鞨居古肅慎地一統志房山縣以大房山名金以之奉山陵號萬寧續通鑑端平元年孟珙以蒙古兵入蔡州金主守緒取寶玉置幽蘭

軒遂自經死諸將共舉火焚之國語有隼集于
陳庭楛矢貫之石罅長尺有咫仲尼曰此肅慎
之矢也元好問辨
遺山其碑見本集

逃責臺

阮隲勢淪弱。赧王用轉貧。境中稱貸徧。群下索逋
頻。出孔勢常額。登臺避反脣。繼周或鑿此。無藝虐
斯民。

前六句平敘末二句警策便足不刊。漢書幽
平之後阮隲河洛之間有逃債之臺注云周赧
王負債主迫債急逃于此臺洛陽南宮謬臺是
也賈誼傳曰反脣而相稽註相與計技也左傳
晏子云布裳無藝注藝法制也食貨志令
下有不便者不應微反脣師古曰蓋非也

賦得秦繆公 甲申冬有從南都歸言近事

者余賦此呈家君一喙俾呈林祥云

宜白東遷後。蜚廉又幾傳。報讐憑。將沉醉。到鈞
天。黃鳥臣同死。乘鸞女自仙。也堪謨典末。誓悔獨
畱篇。

史記秦之先自蜚廉生季勝五世至造父始封
趙城又云晉遮秦兵于殺霧秦三將以歸又云
晉君歸秦三將又云秦繆公益厚孟明等使將
兵以報殺之役又云趙簡子疾不知人寤語大
夫曰我之帝所與百神游于鈞天廣樂九奏萬
舞扁鵲曰昔秦繆公常如此告公孫枝與子輿
曰我之帝所甚樂故張衡西京賦云大帝說秦
繆公而觀之享以鈞天廣樂帝有醉焉左傳秦

伯任好卒以子車氏三子為殉皆秦之良也國人哀之為之賦黃鳥列仙傳秦繆公女弄玉好吹簫與簫史乘鸞上昇權德輿羸女詩云婉彼羸氏女吹簫 偶仙史彩鸞駕霏煙綽約兩仙子

邑永祚寺楚石禪師遺有兜羅綿衣鷓鴣木鉢皆御賜物也各為四韵咏之

尼師壇貴重。繚訛兜羅名。授法追迦葉。坐披荷寵榮。浣應石自獻。傳更嶺無爭。表信人天仰。皇恩大

證明。

宋普潤大師云兜羅綿或名妬羅綿妬羅樹名綿從樹生如柳絮兜羅此云細香苑也傳燈錄云釋迦佛將金縷僧伽梨衣傳一祖摩訶迦葉通傳至三十二祖弘忍瑞應經曰佛見棄衣取

欲浣之天帝知佛意即取四方成理澤好石來置池邊故王巾頭陀寺碑云帝獻方石傳燈錄六祖慧能既得衣鉢奔南嶺外有明上座追至庾嶺能乃擲衣鉢于石上曰此衣信可爭耶明舉之不動

應器來殊域。錫珍出內庭。木文鷓鴣異。金飾藻花

榮。持乞家迎午。護呵神守冥。傳今修供養。禪悅普

群靈。

敘述莊嚴足表應器之重按翻譯名義云鉢多羅此云應器應法之器也謂體色量三皆須應法體者南山云此姬周之斗也佛自作鉢坏以為後式

金粟寺五月忽菊花盛開賦三律紀異

山中日正永。裊露句先酬。初地原金粟。遠潭共石榴。柴桑蓮有社。蘭若麥同秋。拈示今應笑。迎薰早插頭。

陶潛雜詩云秋菊有佳色裊露掇其英潛柴桑人嘗游廬山白蓮社蘭若阿蘭若也薩婆多論謂所居不與世諍

其二

佳色叢俄吐。素飈梵欲疑。峯雲來壓徑。花雨自滋籬。蟾兔建寧改。蟪蛄秋亦知。寒方遲暮恨。善逝指先期。

顧愷之詩曰春水滿四澤夏雲多奇峰法華經云佛說此經已天雨曼陀羅華摩訶曼陀羅華曼殊沙華摩訶曼殊沙華而散佛上又酉陽雜俎雲華寺大曆初僧儼講經天雨華至地咫尺而滅張衡靈憲曰日月者陰精之宗積精而成象蟾兔皆四足表陰之類春秋元命苞曰日月兩設蟾蠩與兔者陰陽雙居明陽之制陰陰之倚陽南華經曰朝菌不知晦朔蟪蛄不知春秋注蟪蛄寒蟬也春生夏死夏生秋死翻譯名義集脩伽度此云善逝菩薩地持經云第一上升永不復還故名善逝

其三

諸天猜種異。得地豈時違。為挾風霜質。堪銷炎熱威。沈湘餐夕怨。書晉紀年非。且向禪牕北。羲皇一

賦歸

史記屈原自投汨羅以死註汨水在羅羅在湘陰汨水即湘水支流賈生常過湘水投書以弔原故曰沅湘離騷有云夕餐秋菊之落英南史陶潛詩文義熙以前書晉年號晉書潛常言夏月屋閒高卧北窗之下清風颯至自謂羲皇上人史記采薇歌有云神農冥夏忽焉沒兮我安適歸兮陶潛又嘗賦歸去來辭此詩末二句具見組織之妙

題梵勝菴

在海

荒艸全遮徑。栽蓮獨澹池。龍宮捧日蚤。梵唄和雷遲。道力三衣足。凶季一食飢。老師垂教在。不畜小沙彌。

三衣一僧伽梨即大衣二鬱多羅僧即七條衣三安陀會即五條衣見翻譯名義集沙彌僧始落髮之稱華言為息慈謂安息在慈悲之地見釋氏要覽夏客宣子著

贈玉菴述上人

同學陳光祿謙山箋

我邑多禪藻。述公倡習詩。藍嫌近闐闐。檀與闐茅茨。法讓遠僧主。喜紛大眾隨。更聞脩懺畢。飛錫欲何之。

軍謀楊翰院議罷感賦二律呈盧楊二公

藍者藍若解見前闐胡關切闐胡對切古今註闐市垣闐市門也檀者檀越也高僧傳舒州潛山最奇誌公與白鶴道人欲之同謀于梁武帝俾各以物誌其地者得之已而鶴先飛去至麓將止忽聞空中飛錫聲誌公之錫遂卓于山麓遂各以所識築室焉

幹各心... 山景青... 園中... 蓋皆... 何...

送去... 送去... 送去... 送去... 送去...

息... 三... 三... 三... 三...

谷水集卷之八

海鹽胡夏客宣子著

同學陳光緯謙山箋

五言律詩

盧大司馬督師至定州隨家大夫進謁曰同

軍謀楊翰院議罷感賦二律呈盧楊二公

藩籬俄失固。畿輔總堪危。多難誰心膂。孤忠自涕洟。

漢。懦兵驚易潰。殘邑食恒虧。時勢艱如此。成功還

答遲。

其二

奮身期許國。今旅救諸城。吏怯疎堅守。軍單擇便營。交綏事不易。推轂責非輕。天意還難測。同憂敢每生。

崇禎季年兵疲食匱疆場事大抵如斯二作洵是詩史。○漢書馮唐曰王者遣將跪而推轂曰闌以內寡人制之闌以外將軍制之左傳晉人秦人戰于河曲交綏註云古名退軍為綏秦晉志未能堅戰短兵未致爭而兩退故曰交綏賈誼服賦云品庶每生注每貪也

漫興

五勝循環運。四時造化功。平人順消息。亂世奮英

雄。天地寧衰謝。古今得變通。可知自我後。數往共無窮。

丹鉛總錄云五行漢書謂之五勝言交相勝也

其二

無力能開後。有心且考前。臣才須遇主。人事總歸天。伸屈貞吾學。經綸晤古賢。圖書滿架在。何必下邳傳。

史記張良游下邳圯上有老父出一編書曰讀此為王者師

其三

稽古元堪樂。陳風况得詩。千季興美刺。五際信興衰。言自成聲律。情憑緣綺靡。楚騷嗣小雅。追咏得心儀。

漢書翼奉奏封事曰易有陰陽詩有五際孟康曰詩內傳曰五際卯酉午戌亥也陰陽終始際會之歲于此則有變改之政初學記引詩推度災曰建四始五際而節通卯酉之際為革政午亥之際為革命辰在天門出入候聽陸机文賦云詩緣情而綺靡

其四

申受浮丘伯。鄭傳慧遠師。高人超世外。雅業會心時。亦有尋章熟。略從困學知。恭惟反魯浚。何有面

牆疑

漢書申公少與楚元王交俱事齊人浮丘伯受詩按神仙傳浮丘伯姓李隱居嵩山服黃精久之飛昇郭璞游仙詩云左挹浮丘袖右拍洪崖肩詩經註疏鄭氏箋非毛公馬鄭王肅等題相傳云是雷次宗題又按周續之與雷次宗同受慧遠法師詩義而續之釋題如此故知鄭氏詩傳之慧遠師也

其五

字句經刪妙。留當一一通。故都存邨國。分陝集南功。于此知風始。方堪誦卷終。可憐六義晦。誰復薦毛公。

薦毛公非言薦舉也。初學記鄭玄取毛氏詁訓所不盡為注解謂之曰箋。箋薦也。言薦成毛意。

其六

義畫圖書肇。靈韶儀舞成。靈何在庶物。古不共斯。珉衣食身同急。君親倫欲明。干戈與禮樂。功業滿寰瀛。

其七

耶律起三韓。燕都幾代寬。臺金開替亢。載寶斷桑乾。水味從來苦。人情今盡安。回瞻濁鹿近。戰勝帝軒難。

遼史契丹國耶律幹里之子。斲里只名億字阿保。機是為太祖。耶律其姓也。後漢書韓有三種。一曰馬韓。二曰辰韓。三曰下辰。馬韓在西。有五十四國。辰韓在東。十有二國。下辰在辰韓之南。亦十有二國。皆古之辰國也。五帝本紀云黃帝名軒。軒徵師諸侯。與蚩尤戰于涿鹿之野。擒殺蚩尤。諸侯咸尊軒。軒為天子。註云涿鹿在上谷。或作濁鹿。古今字異耳。

其八

神指浙中地。貴生王與侯。三分始孫策。千載又錢鏐。越小精靈盡。江多筋骨柔。後人思自立。文學尚堪優。

按三國之建自孫堅子策為討逆將軍封吳侯。策弟權遂成鼎峙之業。故孔明稱孫權據有江

東已歷三世也五代史錢鏐鎮海節度使滅越州董昌遂兼有兩浙之地

其九

空谷茹芝隱名高隆準聞避秦成皓首入漢定儲君稷嗣惟移疾文成竟讓勳後來招致盛國事更紛紛

漢書高祖隆準而龍顏注隆高也準鼻也又云拜并孫通為博士號稷嗣君張晏曰后稷佐唐欲令復如之

其十

餓釣淮陰日相哀進食頻死生關一飯恩德重如

身更有築壇主是為望報人倘明漂母怒絳灌可同臣

漂母云吾哀王孫而進食豈望報乎志量不淺淮陰侯倘明乎此何至羞與絳灌伍耶彼長樂鐘室之禍起于請為假王若無望報之意則史遷所云可比周召太公之徒矣

其十一

淮市胯加辱地橋履進恭少年如有教老父幸相從為歎羞樊噲何如慕赤松定須書一卷人傑保勳庸

張良傳注下邳人謂橋為地則不應復云橋但李白有我来地橋上之句故用之耳史記云韓

信嘗過樊將軍噲跪拜送迎
信出門笑曰生乃與噲等為伍

其十二

列宿雲臺序。客星天象關不言。當世事聲實在高。
山。紫色統猶聞赤符。客往還中興真主出。相助故
人閒。

後漢書范曄論曰中興二十八將前世以為上
應二十八宿未之詳也雲臺見前又嚴光傳帝
引光入因共偃臥光以足加帝腹明日太史奏
客星犯御座甚急余按太公陰謀曰六庫為白
獸在上為客星在下為害氣亦嘗編考羣書未
有以客星為吉占者范曄于光武紀天文志皆
不載客星事或偶采異聞載之逸民傳中而温
公通鑑不錄亦其卓識也漢書王莽傳紫色蠅

聲餘分閏位注紫間色蠅邪音言莽不得正王
之命如歲月之餘今為閏也光武紀行至高疆
華自關中奉赤伏符曰劉秀發兵捕不
道四夷雲集龍鬪野四七之際火為主

試落南歸經睢陽侯宗伯墓下

執經銜遇士。客路感高墳。含淚讀碑碣。追思試藝
文。榮名幸化雨。華表剩參雲。一拜頻回首。林空宿

草紛

含淚二句如珠貫璧聯情文並妙。先生自註
云宗伯公諱恪嘗任大司成通典晉代國子生
見祭酒執經一卷以代手板禮記曾子曰朋友
之墓有宿草而不哭焉注宿草陳根也謂墓草
已陳也

從軍詩

古人從軍之詠多矣。或誇勝敵。或怨離家。讀之未嘗不感奮歎嗟也。余以戊寅秋省家。大人定州官舍。值大敵壓境。登陴累月。却圍解嚴。王師取道來往。大小將帥及健兒壯士。時與接晤。州向曾也。兵明年增設。制府于保定分萬旅住焉。余日出入營幕。且遊覽閔塞。略知戎事。就所見聞。以驗之前賢篇句。不必盡合。豈今昔固有殊乎。爰

以已意為詩三首。藏之笥中云。

選鋒獨擐甲。請餉盡呼庖也。任拉民屋。出征尾敵營。密傳禁浪戰。明笑錯捐生。將主長誇賞。精強倚

匪輕。

左傳擐甲執兵。躬擐甲冑。擐胡攢切。太倉王育說文論正云。擐貫也。冑張也。張以穿之。故以冑左傳吳申叔儀乞糧于公孫有山氏曰。佩玉藥兮。余無所繫之。肯酒一盛兮。余與褐之。父視之對曰。梁則無矣。麤則有之。若登首山以呼曰。庚癸乎。則諾。注云。軍中不得出糧。故為私。隱庫西。方主穀。癸北方主水。傳言吳子不與士共飢渴。

其二

谷八集 卷之八
結拜好兄弟。春醪誓血斟。急時緊。焔顧。閔日合追。
尋奪婦。賽嬌貌。剗人讓。咬心。知誰先富貴。提挈莫
沉吟。

其三

援。剿。兵。符。到。向。前。勇。可。知。村。迯。多。棄。女。縣。破。剝。埋。
貨。撒。撥。遠。分。去。架。梁。漸。次。追。捷。書。報。賊。遁。輜。重。盛
班。師。

先生自注云偵騎四出為撒撲結營不動為架
梁漢書韓安國傳王恢李息王擊輜重註云輜
衣車也重謂載重物車
故行者之資總曰輜重

後從軍詩

余于庚辰秋賦從軍詩三首未及七季即
觀鼎革江南澤國戒馬縱橫與沙塞畧同
固氣數使然抑亦古今所未有也復述所
目擊為後從軍三首

昔年四鎮下今日八旗分將改滿洲籍營稱蠻子
軍隨征幾仗打起義各城焚笑配名閨女蒙官賞
戰勲。

其二

戎衣競文繡。無等更豪華。孔雀帽懸翠。蟒龍襖映霞。
 霞領圓頸故。露袖窄手長。义刀七懸晉帶。銀筒煙當茶。

賈誼上疏陳政事云。庶人屋壁得為帝服。倡優下賤得為后飾。又云。夫俗至大不敬也。至丘等也。師古云。無尊卑之差。

其三

駐防派郡縣。棟屋掛刀弓。馬牧華堂上。厮游繡闥中。
 中市人邀醉飽。丘鬼獻蒙葱。長辨何時解。喧呼樂未窮。

將軍行

吹簫取繒徒。忽共小兒呼。部曲嬰鋒鏑。功高列畫圖。
 輕肥分竈養。歌舞教閨俘。明主時垂問。君曾知

獵無

史記周勃常為人吹簫給喪事。灌嬰者睢陽販繒者也。又蕭何曰。今拜大將如呼小兒。漢李廣傳。廣行無部曲。行陣師古曰。續漢書百官志曰。將軍領軍。皆有部曲。大將軍營五部。部校尉一人。部下。有曲。曲有軍候。一人。後漢書劉盆子傳。云。竈下。養中郎將。漢書功臣皆曰。蕭何未有汗馬勞。居臣等上。何也。上曰。諸君知獵乎。追獸者。狗也。發縱指示獸。人也。觀部曲。嬰鋒鏑。句詩。似刺亂時。微倖為將者。

子蔡園亭

道迹往來稀。逸遺閒款扉。祇羸松菊在。敢問市朝非。桑合田知變。桃穠漁忘歸。相從淹嘯傲。應許共餐薇。

其二

猿鶴何年化。禽魚此日親。息機為老圃。何事總幽人。揮淹停殘炤。挹湖盪汗塵。隱棲無限思。山水樂元真。

周穆王南征一軍盡化而君子為猿鶴此借以咏衣冠之遺甌也當是甲申以後詩杜詩回首

風塵甘息機淮南子曰日入崦嵫註云亦曰落崇山揮淹停殘炤亦借用淮南所云魯陽揮戈駐日事也

題朱子蔡別業

昔是裴休墅。今為太守園。野寬饒起靄。渚靜罕聞喧。花樹波翻影。雲霞沙接痕。綠陰門徑邃。澹沆籬根。

朱公別業在真如寺側寺本唐宰相裴休捨宅為之別業之地當是其墅故地也此詩模寫雲樹非素游駕渚鶴洲者不知其工。張衡西京賦云願臨太液滄地澹沆注云澹沆深大貌

其二

踞勝最城南。鏡容百頃涵。雉樓沉。遠岸魚。扈立中。
 潭映碧天如底。漾金月可探。虛牕通。澤氣蒸。看四
 垂含。

左傳都城過百雉。註云一雉之墻長三丈高一
 丈而未詳其義。按禽經雉上有丈鷄。上有赤埤
 雅云雉性如壘。護疆飛不越域。其飛崇不過丈
 修不過三丈。故城樓曰雉。樓猶城堞之為雉。堞
 也。劇談錄云李相公德裕。因畏景赫。曩以金盃
 貯水。漬白龍皮。凜若高秋。此得之新羅僧云。海
 傍居者得之於漁。扈按初學記。扈漬引輿地
 志云。扈者濱海漁捕之名。挿竹海中。以繩編之。
 向岸張兩翼。潮上即沒。潮落即出。
 魚隨潮礙竹。不得去。名之曰扈。

其三

遮得水風密。萬竿竹。戛敲孤亭青。靄逼踈樹翠。光
 交詠。刻節指粉。坐看籜裂苞。主人元愛客。攜酒聽
 絃匏。

其四

樊護栽芳塢。倚聯繞漲洲。枝枝披艷彩。曲曲掬澄
 流。引櫂幾灣進。招筇次第游。又將精舍構。檀供待
 僧留。

荷音溪說文舉胫有度也爾雅石杠謂之荷註
 聚石水中為步渡約也廣韻石橋韻畧聚石為
 渡或作碕

其五

緣谿窮窅窕。疊石吐崢嶸。疑雨藤蘿暗。藏雲洞穴明。亂峰拱戶起。危榭倚巖成。官夢拋黔險。營茲幾晦卒。

其六

出處堪追憶。風流具可觀。大臣高勇退。肖子志承歡。昔侍泉林僻。時開詩酒壇。山河忽破碎。丘壑剩盤桓。

子葵先生父少司寇公嘗築知老菴于園西讀此不無今昔之感宋史陳搏謂錢若水曰子急

流勇退人也文天祥過零丁洋詩云山河破碎風漂絮

飲故金吾徐伯園園中園春白早與樹言先

菜甲滿花間。灌畦八座閒。萍池乍雨漲。草徑幾時刪。葺室聊安膝。開樽足解顏。相逢總潦倒。容易是

追攀。

陶潛歸去來辭云審容膝之易安列子云解顏而笑孟浩然詩云殊翰聊題壁傾壺一解顏杜甫九日詩云潦倒新停濁酒盃

春浮閣

樓敞和風領。牕高元氣輸。光輝四野動。空濶兩儀

蘇多景寬生意。少陽幹化樞。望中情自倍。造物德誰符。

子蓉鏡雲亭

棲隱園亭僻。水風穀映雲。浮光清是鏡。稠影綠連雲。峰起奇俄合。鷗來狎作羣。餘霞滿波面。筆綵濯氤氲。

步韵和怡園六詠 梅墅

別業僻依郭。芳梅綻滿林。一園春色早。幾樹雪光深。索笑接清影。素妝對道心。昔逋非可擬。妻共白

頭吟

其二 望月石臺

臺迥坐邀月。月低呼上臺。愚公移到此。弄嬪候頻來。影正山河盡。夜空儀象開。塵勞多勸睡。誰與共徘徊。

三四句奇雋五六句空曠結出幽致更佳○愚公見第四卷弄嬪謂弄妻也許慎鴻烈解注云姮娥弄妻逃月中益虛上夫人是也

問餘其三 桃溪

穠華當春仲。無言鎮笑風。綠照潭面碧。倒漾波底

紅時借魚鳥樂。世聞魏晉空。可曾幾度熟兒孫泥

問翁

調似初唐却有奇景逸思

其四 鶯柳

麤柳挺高枝。鳴禽日坐之。風輕舞有態。晝永啼宜遲。啄盡晴空絮。啼殘烟裏絲。最誇杖履適。柑酒自

携時

賦鶯咏柳離合工巧風華掩映余奉為五言之玉條矣

其五 蓮亭

孤亭面菡萏。標艷媚閒身。食鶯時一下。戲魚就問津。詐將荷作柱。故與水為隣。虛敞無蒸燠。衣裾馥可親。

按樂苑漢鏡歌云鶯何食食茄下按爾雅芙蓉其莖茄俗但借為菡萏名非本訓矣韻會小補又云茄歌韻古荷字引詩有蒲與茄李白詩胡為啄我茄下之紫鱗魚戲見第四卷南史江昱作採荷調以刺何敬容有云欲持荷作柱荷弱不勝梁

其六 蘿磬

茂林網老蔓。霞霞足藤蘿。城內樵蘇少。山阿被帶多。隙天佛室構。深靄梵音過。竟許禪棲否。疑藏風

雨何

按方言蘇草芥也故去草曰蘇韓信傳樵蘇後
爨注樵取薪蘇取草也屈原九歌有云若有人
兮山之阿被薜荔兮帶女蘿

投宿隱馬山周氏回贈

門啓溪聲入樓臺野色停孤邨留設黍群客聚如
萍風陡押雲黑晴空放岫青盤餐媿地主累日醉
還醒

向深山中作不速之
客酪酏亦有逸致

吳易民書屋

積潦環依堵隱居東逼墉徑侵水蔓窄牕拒樹陰
濃二酉窺來飽六壬占避凶承平兼靚亂臥穩許
誰龍

說文堵垣也公羊傳五版而堵五堵而雉禮儒
有一畝之宮環堵之室註環周迴也樊英傳環
堵之中注面一堵也二酉解見第二卷困學記
聞引許并重曰水者準也生數一成數五以水
數配之為六壬大唐六典云太卜令三式曰
雷公太乙六壬其局以楓木為天棗心為地

如珠菴

短堞囂全隔幽棲擬沃洲鍾魚自有課雲鶴搃無
求潮海和空梵水田映野疇浮生蕉鹿夢隍上悟

清脩。

沃州山在今新昌縣與天姥山對峙道家以為
 第十五福地晉帛道猷法深支遁皆居之戴許
 王謝十八人與之游亦蓮社之比列子鄭有薪
 者遇鹿斃之藏諸隍覆以蕉俄而遺其所藏
 以為夢而咏其事有聞者取之薪者歸夢藏之
 之震又夢得之之主訟之士師士師曰若初真
 得鹿妄謂之夢真夢得鹿妄謂之實此詩以菴
 在南城隍上借蕉鹿作禪語自佳按說文隍城
 池也有水曰隍池無水曰隍

贈一勺菴善訥上人

生緣雲南

竹樹密堪穿。掩關獨習禪。十年傍此海。萬里遠離
 真野色。虛堂納。壕流曲。磻連。丘墟聚。疲鬼。法薦仰。

慈宣

吳維申見示新詠曰借鈔先大夫唐詩選本

倚韵荅之

讀禮廬今酷。聞詩庭昔頻。山顏仍仰峻。海涸倒揚
 塵。汗竹危餘富。負薪安素貧。玄畱期後世。猶有問
 奇人。

劉向別錄云孫子書已殺青殺青者治竹作簡
 書之新竹有汗善朽蠹先于火上炙陳楚間謂
 之汗簡汗者去其汗也史記孫升教持廉至死
 妻子窮困負薪而食漢書揚雄作太玄嚴尤謂
 桓譚曰子嘗稱揚雄書豈能傳于後世乎譚曰
 必傳願君與譚不及見也又云劉棻嘗從雄學

作奇字

其二

泚許手分澤。尋知盟不寒。同方合自易。共里過何難。遺曲琴如在。新機錦豈殘。代興才草出。塊影慰

闌珊。

禮儒行云儒有合志同方註云同其所嚮之方韵會闌珊彫散貌

太倉王遜之奉常六十壽詞

姓著太原久。閥傳宰相尊。象賢人繼武。延世國加恩。夔樂八音協。侯瓜五色繁。先朝模楷在。出處老

乾坤。

史記邵平故秦東陵侯種瓜長安城東瓜有五
色元吳澄問吳正道模楷何以取木為義曰模
木生周公冢上其葉春青夏赤秋白冬黑色得
其正楷木生孔子冢上其枝疎而不屈質得其
直正直可法况在周孔之冢乎
日出何書曰出淮南王草木譜

其二

卿列清為職。民遺丹是心。身名矢不負。祖禰慰能任。閒擁圖書古。耐看朝市今。舊榮喬木望。餘得切

雲森。

切雲言其高也屈原涉江有云冠切雲之崔巍

其三

溟島接婁東。仙姑曾御風。滄桑千歲變。玄籍一門同。煙霧乘鸞外。流霞浮蟻中。人間延戀祝。仍劇杜和公。

先生自註奉常之姑曩陽真人成仙去王元美有傳相公致政後辰玉撰杜和公雅劇稱壽流霞見第二卷曹植七啓盛以雕觴浮蟻鼎沸浮蟻酒面浮華也謝眺詩嘉觴聊可薦綠蟻方獨持

其四

椿季徐可紀。椽曆始逢周。擲却簪纓往。羸來齒髮

留。巖薇山自迥。猿鶴野堪儔。敬壽太常醉如泥。日未休。

晉書周澤為太常卿時人為之語曰一年三百五十九日齋一日不齋醉如泥

贈外揆

祖洄外揆氏。藝苑的堪誇。畫學如詩學。吟家又利家。難兄傳綠綺。老我赧黃華。載酒思相就。玄經草示芭。

先生自註云凡畫有行家有利家世說新語云陳元方子長文與季方子孝先各論其父功德爭之不能決咨于太丘太丘曰元方難為兄季方難為弟白氏六帖云司馬相如有綠綺琴從

卓氏奏鳳求凰之曲。又張載擬四愁詩云美人遺我綠綺琴。何以報之。雙南金。揚雄方言。華芩盛也。郭璞曰。江東謂華為芩。莊子大聲不入里耳。折楊黃芩。則嗑然而笑。注芩一本作華。太倉王育說文論正云。華或以草以夸。按夸大也。莊舒則放而大。故以夸。漢書曰。揚雄自序云。經莫大于易。故作太玄。又云。家貧嗜酒。好事者載酒從遊。而鉅鹿侯苞嘗從雄居。受其太玄法言。

壽華林宗弟

投老甘機息。躬耕是幾年。帝都游倦矣。村野任悠然。門對山蕪海。屋傍水滿田。客來當秫熟。介壽好開筵。

其二

壯齡輕遠道。燕趙又荆襄。亂世身能隱。治生產未荒。種松看遍嶺。穫稻喜登場。課子勤筋力。安斯山水鄉。

治音池。攻理也。凡未治而攻之。則平聲。凡為理與攻。效則去聲。

其三

本務親農事。樂仍丘壑同。嵐蒸地力厚。泉溉土膏豐。賦稅往輸急。雞豚餘粒充。先疇行復舊。俟作富家翁。

周語太史告稷曰。陽氣俱蒸。土膏其動。

其四

華樹韋家法。頻年喜數過。追隨尋地勝。談笑挹天和。呼酒厨常出。携朋座任多。同庚顏獨異。丹羨爾如酤。

錢武子先生許曰真境實腹困學紀聞曰程伊川云氏人家法須一月一會以合族花樹韋家宗會法可取也法今不傳岑參有韋員外家花樹歌以此得名

徐生卜居相近向喜其工書賦贈

每愛臨池妙。竟歡同巷親。莎庭容客憩。蕝苑得吾隣。買酒常思過。敲門莫厭頻。詩成求一寫。句拙亦

堪珍。

愛我結隣高賢之情自與流俗迥別

隣友戴生過我即同至其齋頭淪泉玩餅梅移時歸口占贈之

我狎元隣接。君歸同手携。華堪凭几弄。詩即襞箋題。花插雪幾幹。茗烹雲一谿。小齋歡促坐。忘却日

沉西。

錢武子先生云隱秀。南史陳后主紀有云襞采箋賦詩又文苑傳序云紙札無情任其搖襞襞必益切按說文襞羣衣也徐鉉曰襞摺疊也故禮註謂裙褶為襞積然則襞牋題詩亦猶折

簡作書耳

飲故進士囊亮工家中

不改舊時春。牡丹看復新。坐中文酒侶。世上賤貧人。哀怨逢華歲。牢騷傾盞頻。禁嚴惜早散。重集趁芳辰。

飲席有詠

容花耀一園。技艷共情繁。香氣妝牽蝶。清聲歌協鶻。斗移催卸鬢。石醉強留髮。羣酒追歡地。偏堪銷却竟。

錢武子先生云。是初唐句法。滑稽傳淳于髡曰。臣飲一斗亦醉。一石亦醉。又曰。男女同席。堂上燭滅。主人留髮而送客。髡心最惟能飲一石。借此事對斗移却鬢。洵巧而艷矣。歌協鶻。協于鶻。絃也。唐賀懷智以鶻雞筋作琵琶絃。

送人

亶矣文章士。哀哉干謁行。妻兒空破屋。凍餓去遙程。鳥沒寒原迴。漁歸夜水平。君今何定宿。相憶夢同驚。

鳥沒二句寫夜景清妙

送王冀從軍

谷水集 卷之六
家園羞人困。軍幕試干時。雨雪向前去。風雲有後期。慨慷揮戚友。身手詫男兒。今日輕章句。功名信汝為。

杜詩朔方健兒好身手

賈與文章士。東於千箇許。寒風空如雪。東於千箇許。

數人

白曰。吾始一卡亦相。一日亦相。又曰。限文同。無。...

谷水集卷之九

海鹽胡夏客宣子著

同邑陳光緯謙山箋

五言律詩

躬畊

門戶傳科第。妻兒凍共飢。平時心亦愧。厄運節無虧。

神祇。祀臘知炎漢。詩年紀義熙。古人有例在。偷活鑿

神祇。

後漢書陳咸常用漢家祖臘曰我先祖豈知王氏臘乎

其二

自得琴書樂。不將貧賤憂。三旬九遇食。五月獨披裘。人世變方起。身名常合休。躬畊全性命。時豈比巢由。

說苑子思居于衛。緼袍無表。三旬而九食。高士傳云披裘公者。吳人。延陵季子出游。見道中遺金。時當五月。披裘而負薪。豈取遺金者哉。諸葛孔明躬耕南陽。而出師表云。苟全性命于亂世。不比巢由。便有隱居求志之槩。

送馬士宏從朱開府往江右

危世右談兵。隻身偕劍行。一時朋酒餞。千里敵烽。

迎。蹈險立名易。處危視命輕。知君定有遇。府主預留情。

漢賈誼傳斥侯望烽燧。文穎曰。邊方備寇。作高土。櫓櫓上作桔臯。桔臯頭兜零。以薪置其中。常低之。有寇即火。燧舉之以相告。曰燧師。古曰晝則燔燧。夜則舉烽。

馬士宏寄歸所紀江右事閱之有感

天意還難料。人謀那易成。松從寒後勁。木又廈同傾。燐火盈千里。燹灰墟百城。筆增新鬼錄。誰擅董狐名。

以廈傾對寒勁。如唐詩野人具雞黍。穉子摘楊梅。正以借對為巧。孔氏怪錄于寶作搜神記。

劉真長見而戲曰卿可謂鬼之董
孤左傳孔子曰董狐古之良史也

送王恒如記室赴江右

何須效投筆。筆可代功名。軍必豎牙吉。檄應磨盾
成。豫章重下榻。幕府共籌兵。為語白題將。今休漢
士輕。

抱朴子曰始出軍豎牙春出西門令牙門西向
出時令登明大吉北史荀濟傳濟初與梁武帝
為布衣交自謂會稽上磨墨作檄文後漢書徐
穉豫章人陳蕃為太守不接賓客惟穉來特設
一榻去則懸之史記淮嬰傳所將卒斬白題將
一人南史梁天監時西北遠邊有白題及滑國
遣使由岷山道入貢二國歷代弗賓莫知所出
斐子野曰漢書服虔注云白題胡名也墨莊漫

錄杜子美秦中詩馬騎朱汗落胡舞白題斜白
題乃胡人擅笠胡人多為旋舞笠之斜似謂此

步韵和彭仲謀墓田雪棹

丙就依阡舍。辛勞命刻船。境迷兩岸色。冷壓一蓬
煙。鹽撒成吾縣。玉生當野田。只今誰授簡。吟罷枕
簑眠。

王青說文論正云冢墓謂之阡者周禮四邑為
丘一百二十八家于北畔為冢墓東西為陌南
北為阡故謂墓為阡如漢書所云南陽阡是也
謝惠連雪賦授簡于司馬大夫注簡簡札也世
說謝太傅寒雪日內集公欣然曰白雪紛紛何
所似兄子胡兒曰撒鹽空中差可擬雍伯玉事
前見

其二

芒芒迷遠渚。點點辨村家。踏滑帘呼酒。聽濤鼎試
 茶。習懸下泛鷁。約地。上。尊。鴉。維岸搖叢幹。水聲似
 落華。

習懸約地。眼前景從無人道。結寫水聲更覺新。逸。鷁。倪歷反舟也。方言船首謂之艦首。通作鷁。郭璞曰鷁鳥名。今江東貴人船前作青雀。是其像也。張協七命云乘鷁舟。芳為水嬉。約韻會云。橫木渡水曰約。即權也。又倚也。爾雅石砥亦曰畧。約郭璞云聚石水中以為步渡。約也。徐鉉云。即今所謂水行橋也。東坡詩有云畧約橫秋水。

其三

泛宅浮來定。佳城卜得安。碑螭高拂霰。石馬對嘶
 寒。素是門風積。光留窻映殘。謝庭餘教澤。消待漲
 溪灘。

唐書張志和自稱煙波釣徒。謁顏真卿于湖州。真卿以舟蔽漏。請更之。志和曰。願為浮家泛宅。往來若雲間。西京雜記。滕公得石柳。有銘曰。佳城鬱鬱。三千年見。白日吁嗟。滕公居此室。

其四

攀條淹信宿。問寢憶晨昏。披覽尋歸徑。樣船疑到
 門。未忘農里事。先向弟兄論。更有陽春唱。寒威銷
 綠樽。

是丙舍歸來匆匆入門情景吟業至此一片真
機度越雕章琢句者矣。世說晉王恭披鶴氅
涉雪而行孟祖見之曰真神仙中人也。樣音
儀南方人謂整船向岸曰樣見史記本紀注

題友人小象

偶然就此憩便可傳其神松偃古留幕苔高地有

茵幽閒謝世累放曠合天真無羨明王夢圖維肖

隱淪。

願况送友南歸詩鄰荒收酒幔屋古布苔茵世
說新語孔融曰禰衡罪同胥靡不能發明王之
夢注引帝王世紀云武丁夢天賜已賢人使百
工寫其象求諸天下見築者胥靡於傅巖之野

刻印章遺友題四十字代書

鳥跡沿前創龍書啓後聞懸鍼追古史刻印贈夫
君。紐可姓名識篆殊大小文運刀兼運筆雕技愧
言勤。

張懷瓘書斷黃帝史倉頡察龜文鳥跡之象合
而為字韋續字源庖犧氏獲景龍之瑞作龍書
王愔文字志曰篆字必垂畫細末纖直如懸鍼
故謂之懸鍼書書斷又云大篆周宣王史籀所
作小篆李斯趙高
胡毋敬所作也

賽神詞

村邨有故跡出現幾番經。備唱生前事的知死後
靈。香堪騰滿屋酒訝縮空餅。三獻餘兮餽。闡句請

昭形。

三閭所云乘回風兮駕雲旗後代迎神送神諸曲祖之此更以幽奇爭勝矣

賽鬼詞

次第奠清尊。靈巫釋宿冤。雲低焚紙接風閃。列燈昏恍惚驚。寢睡去來驗。穉言遠林鷓。叫急引脫草間。竟。

幾于知鬼神之情狀矣乃知玄怪錄述異記有所未傳陸賈新語云扁鵲天下良醫而不能與靈巫爭用知與不知也

田家詞

盡力祇十畝。成功在四肢。誰人飽欲死。我自作忘疲。降雨憑天意。催科信吏慈。春耕得秋獲。便侈太平時。

漢書東方朔曰侏儒長三尺俸一囊粟臣朔長九尺餘亦一囊粟侏儒飽欲死臣朔飢欲死

漁家詞

豈能終竭澤。性是狎風濤。布網一何密。察淵不憚勞。蛟龍悲族翦。鼃黽快群饕。煙水雖狀闊。游鱗底處逃。

爾雅鼃醜蟾諸在水者黽註云耿黽似青蛙疏云似鼈鼈居陸其居水者名黽周禮蝮氏

掌去鼃黽焚牡鞠以灰洒之則死以其煙被之則氏水虫無聲又梓人以脰鳴者註鼃黽屬戲為俳諧體

春風自細細春日自堂堂鋪地王孫艸遮天帝女桑游蹄徐控勒冶腕靜携筐陌上逢休問驩間蠶正忙

劉安招隱士云王孫游兮不歸春草生兮萋萋山海經曰宣山有桑其枝四衢名帝女之桑

平叔小婦詞

豪貴艷慣選。慙笑目偏成。公子歡心遂。諸姬靚貌驚。寵應金屋貯。惠仰大家平。門戒無通客。侵晨不

起迎

屈原九歌云滿堂兮美人忽獨與余兮目成注云若見盼我也漢武故事帝為太子時尚小長公主指女問帝曰得阿嬌可否帝曰若得阿嬌當以金屋貯之

其二

容華趁未改。驕侈競求新。刺繡催工急。裁金換飾頻。閨春矜獨麗。游日笑他貧。家國傾何計。惟知色事人。

梁簡文帝美女篇約黃能效月裁金巧作星漢書李夫人曰以色事人者色衰而愛弛

擣衣

邀月察礎聲。聲如訴遠征。窮邊秋氣冷。思婦早心
 驚。腰帶舊圍準。淚痕新杵平。達緘同伍笑。奪去戲
 傾城。

寫思婦之愁緒如見北堂細腰杵南市女郎砧
 總堪惹恨。世說新語庾子嵩長不滿七尺腰
 帶十圍積然自放

觀稼

紅到林楓滿。黃看晦穗遮。豐思四海共。飽意一村
 賒。誰載書年筆。吾偕樂歲華。從知農事重。足國本
 田家。

寫觀稼之樂寓濟世之思勝東哲勸農賦矣豈
 區區學稼者比耶第六句有誰能烹魚之思

盪醬戲吟

貧家愁食淡。盪醬趁炎圖。鹽豉先時措。烹調終歲
 須。黃塵徐省麩。雪片細揉麩。方法山妻識。治生俗
 務劬。

盪音過說文盪覆蓋也徐鉉曰俗作罾非是太
 倉王育說文論正曰盪古飲字蓋醬之罾造亦
 有醞釀之義也豉說文作菹配鹽幽菹也貨殖
 傳云蘗麩鹽豉干荅世說王武子食酪問陸雲
 南中何以敵此對曰千里尊羹未下鹽豉黃塵
 咏麩之形也然亦有本梁武帝紀大同二年雨
 黃塵如雪麩音孚
 小麥屑也治平聲

貧士

萬千便利計。獨拙事風騷。酒任腹饜溢。金輸手攬
高。文章浪膾炙。凍餓獨煎熬。後代留名重。身今劣
一毛。

病中口占

有愁長似病。長病倍添愁。不寐缸沉炷。頻呻漏促
籌。烏啼晴牖曉。蛩訴夜林秋。疾痛方盈世。何期我
獨瘳。

心源法師屢遣侍者訊疾枕上占荅

定業難離病。深慈易起哀。幾旬丈室臥。頻日尺書
來。形悟人生幻。命疑鬼伯催。皈依蒙攝受。衰老笑
顏開。

贈丹溟和尚

傳燈衍祖派。披卷訂儒流。塵借六經語。石還都點
頭。密脩高夏臘。相斫嘆春秋。儘問多羅義。祇將周
孔酬。

埤雅塵似鹿。其尾辟塵。名苑云鹿大者曰塵。羣
鹿隨之。皆視塵尾。所轉為準。古之談者。揮馬李
尤有塵尾。銘則知自漢有之。齊書智林道人遺
周顒書言捉塵尾。來四十餘載。則高僧用塵尾

之証也高僧傳梁時生公講經于虎丘寺聚石
 為徒與談至理石皆點頭翻譯名義集云印度
 僧徒從佛聖教坐雨安居前代譯經律者或云
 坐夏或云坐臘夏中方尺之地悉並有蟲故四
 月十六日入安居七月十五日解安居據華鈔
 云七月十五日入安居七月十五日解安居據華鈔
 計乃數夏臘耳按風俗通云臘接也新故相接
 謂之臘故釋家結夏用其義謂之夏臘魏畧魚
 豢嘗從阨禧問左氏傳對曰相斫書耳不足精
 意翻譯名義集備多羅有五譯天台定云從古
 及今譯梵為
 漢皆題為經

題贈大山上人梅溪菴

擇得梅溪僻名緇精舍新拋家從釋姓避世是遺
 民水竹一村富伊蒲再食貧堪悲朝市幻飯向法

王真

柳宗元法華寺詩云願言懷名緇東峰旦夕仰
 釋迦譜云息心所栖曰精舍靈裕寺誥曰非麤
 暴者所居藝文類云非由其舍精妙良由精練
 行者所居也法苑傳記云釋道安云既曾剃染
 紹繼釋迦子雖異父而姓無殊今者出家宜悉
 稱釋及翻四含果云四姓出家同一釋種後漢
 書楚王英以嫌贖罪詔還贖以助伊蒲塞桑門
 之饌註伊蒲即優婆按翻譯名義集優婆塞清
 淨男也法華經云法王無上尊惟說願勿慮五
 燈會元文殊師利曰諦觀法王法法王法如是

其二

架門臨野徑鑿澗繞虛堂初地乾坤淨傳燈晝夜
 長樹音隨梵唱花氣接鑪香開士多來叩弘茲奉

十方。

李白崇明寺文傳一燈于種智了萬法于真空今禪宗有傳燈錄異苑云陳思王常登魚山臨東阿忽聞岩岫裏有誦經聲清亮不覺祇敬即效而則之今梵唱皆植依擬所造楞嚴經十六開士悟玄通謂開衆生信心故名開士

其三

禪關每孤坐。古佛對龕中。高閣塵難到。疎牕明似空。拈花敬欲笑。戲藻儘能工。好擬維摩室。為方幾笏同。

龕枯舍切增韻曰浮屠墻廣韻以為塔下室也王維詩毛節朱幡倚石龕杜甫詩禪龕只晏如

又褚遂良法帖有云久棄塵世與彌勒同龕拈花見第二卷高僧傳唐王玄策使西域至毘耶城有維摩居士石室以手板縱橫量之得十笏故云方丈

題贈一默菴無文上人

隰平微徑出。竹繞一池深。孤影依鉞錫。雙親餘布金。此中觀我淨。彼岸聽潮音。燈有同叅續。安心應覓心。

先生自註菴在海上是上人二親所建親歿即出家于此與玄明禪師同住。經律異相云須達多長者欲營精舍請佛住惟祇陀太子園可居白太子太子戲曰滿以金布便相許長者乃出金布八十項金劉經注云波羅蜜者此云到彼岸五燈會元云慧可大師問初祖云我心未

寧乞師與安祖曰將心來與汝安可良久曰覓心了不可得祖曰與汝安心竟

過崇福菴法師如觀

惟昔觀師住六時禮誦過疏鈔千縛檢性相二宗

科外學兼攻藻餘威每勝魔仁祠講座在筆撰佚

來多南史庾詵傳六時禮誦唐張喬詩遠公窓下蓮

華漏猶向山中禮六時誦林伐山云僧規以六

時經行六時燕坐其經行六時曰幽谷時寅也

高山時卯也日照高山平地時辰也可中時已

也正中時午也鹿苑時未也至申則旦過而退

按焦竑經籍志釋家諸經有義疏義鈔經疏及

區分鈔等故云千卷法苑云智光稟龍龍樹依

般若中觀等經論立法相宗戒賢稟彌勒無着

依深密瑜伽等經論立法相宗丹鉛總錄云道

書以一卷為一寫佛典云多羅樹葉書凡有二

百四十縛縛古絹字亦借為卷也後漢楚王英

傳尚浮屠之仁祠注仁祠僧寺也溫公通鑑以

祠為慈誤唐權載之詩逸氣凌顛清仁祠訪金碧

曹庵

寶華照初地水竹擅諸方樹影增高翠華枝吐舊

芳籬尼閃闕戶老圃引叅堂覓徑穿林出平疇散

夕陽出深林見夕陽便覺神超形越。大藏一覽集

動地忍智自如善慧地通力自在法雲地大智
圓明決定經云不捨初地入于二地乃至十地
六祖碑云一言頓悟不踐初地

梅菴

茅菴背郭出。稻畝曲塍通。野色望中滿。市塵到此
空。雲華連佛日。樹石颯天風。驀對方僧坐。片時茶

話同。

字詒雲。雲成文章也。中州集王子可咏石淙詩
石裂雲華瀆。月秋元劉文靖登龍興寺閣詩。雲

華寶樹
忽當眼

贈西林菴深上人

把茅化金碧。塍野出崔嵬。積歲三檀施。長時四眾
來。方情不厭熟。世濁合憐災。淨域何當退。嗣修般
若臺。

疏鈔云三檀者資生檀無畏檀法檀資生檀者
布施無畏檀者持戒忍辱法檀者精進禪定智
慧彌勒金剛頌所云檀義設于六資生無畏法
也。四眾者比丘比丘尼優婆塞優婆夷南史庾
詵傳空中聞喚上行先生已生弥陀淨域廬山
記。晉沙門慧遠于廬山集一時名士高僧會於
般若臺精舍立
誓同脩淨土

普淨菴隨喜作

山門餘正報。代代出高僧。匡眾諸方去。依師此地

曾波旬魔試息。今日法重興。衰盛凡情在。禪空亦感增。

翻譯名義集波旬魔王名也。涅槃疏云。依于佛法而得善利。不念報恩。反欲加毀。故云極惡。

行脚僧

膜拜辭金像。整衣振錫鐶。僧家無住著。客路飽雲山。憇樹夜跌足。拈花時破顏。盡將文字掃。贈句看

如閒。

翻譯名義集引根本雜事云。比丘乞食。深入長者之家。遂遭譏謗。佛言。應作錫杖。杖頭安鐶。圓如酸口。安小鐶子。搖動作聲。而為警覺。若二股六鐶。是迦葉佛製。若四股十二鐶。是釋迦佛製。

穆天子傳。膜拜而受。注長跪拜也。釋氏要覽曰。胡人禮佛。舉手加頭。稱曰膜拜。亦曰和南。合十頂禮。又曰五體投地。法華經云。佛說此經已。結跏趺坐。注結跏者。若半跏。以左壓右。若全跏。更跏右。以壓左。智論云。見畫跏趺坐。魔王尚驚恐。

秋夜聽雨

柴門破不扃。瓜蔓滿中庭。吹到秋風峭。聲來夜雨零。警群雁不眠。戒露鶴同醒。洗出遙峯在。迎眸送

曙青。

張華曰。雁棲川澤。有一雁不瞑。以警眾。故師曠禽經曰。羣棲獨警。風土記。鳴鶴戒露。言八月白露降。草上有聲。即高鳴相警。

江中估客

危檣勢矗空。拋碇浪花中。來往寧論歲。川湖直下東。渡洲沽釀白。炊甑飽私紅。咒定三更後。連天刮順風。

此江路景中情抑亦估客意中語也起調况雄更佳。矗長直貌增韻聳上貌司馬相如賦云崇山矗矗砥丁定切鎮舟石也一作碇私音仙航稻也

城西朱氏看菊

黃華爭節蚤。青女妬芳遲。培植一年事。徘徊九月時。勝遊寧在遠。良友過無期。笑問淵明徑。開來合

望誰

淮南子秋三月氣始藏百蟲蟄青女乃出以降霜雪高誘曰青女乃天神青要玉女司霜雪者杜甫詩飛霜任青女賜被隔南宮江淹擬陶詩云開徑望三益結似輕詆

其二

英故驕餐夕。興元易感秋。偶然貪賞眼。就爾插盈頭。待酒或來送。獨尋且久留。長年此得術。投老竟忘憂。

其三

人儼朱家俠。華仍羅宅偏。風寒翻媚日。霜傲仰空

天。寂寞華筵外。芬菲冷砌前。重来許泛酒。何俟杖頭錢。

史記魯人皆以儒教而朱家用俠聞晉書羅含致仕還家階庭忽蘭菊叢生以為德行之感焉世說阮宣子常步行以百錢拄杖頭至酒店便獨酣暢雖當世貴盛不肯詣也

徐氏看菊

角門徐啓鑰。曲曲遶芳籬。問友求奇種。教童護嫩枝。高。色。滿。秋。興。泛。觴。宜。那。可。無。詩。贈。延。年。名。

久垂。

本州菊一名延年

其二

早自留心時。遲還媚眼明。三秋時未冷。九月晝偏晴。盡愛芳華色。寧嫌剝啄聲。倘容醉花畔。應得省逢迎。

其三

為許看英吐。日常三徑開。主元綠酒富。客豈白衣猜。雨露已嗟晚。風霜故漸催。寒芬今正好。恣賞欲頻來。

世說蔣詡字元卿舍中竹下開三徑惟故人羊仲來仲從之游陶潛歸去來辭云三徑就荒松

菊猶存故
咏菊用之

城南朱氏看菊

學隱一廛閉。治畦藝菊花。高秋霜滿地。晴日迳如霞。得看叢叢朵。幾培短短芽。叩門過訪者。送酒是誰家。

其二

顛狂餘故態。搖落每傷情。尚幸當秋節。還思採夕英。開園供我賞。携酒對華清。定許揮班管。年季鬪晚榮。

說得蕭晨瑟夕。滑酒吟花。有不覺其岑寂者。具見詩豪。○後漢書侯霸得嚴光書。奏之帝。笑曰。狂奴故態也。梁書元帝筆有三品。文章華麗者。以斑竹管書之。

隣家徐氏看菊

每望中庭隙。到秋花更繁。英憐晚競色。叢見早移根。委巷餘陶徑。比閭似楚村。我無抱甕力。竟倒隔籬罇。

曲禮有云。是委巷之禮也。莊子漢陰丈人抱甕而灌。力多功寡。

春日病起

底急望中綠。新濃起自驚。燕偏相慰語。犬似遠歸

迎天故惜教死。吾仍貪得生。從今恬萬慮。不復筭
身名。

達生之旨從病中悟來。勝擊雲疾愈賦多矣。

布被

布被似乎津。儒生非詐貧。覆身全覺煖。舉世或如
春。席共嬰眠穩。機曾婦織頻。日高餘夢樂。未肯慕
重茵。

此中樂境非豪家所知。漢公孫弘傳云汲黯曰弘位三公奉祿多狀為布被此詐也。又云以高成之平津鄉戶封弘為平津侯。

秋日寄友

猶憶星同聚。愁看雲尚停。幾年惜別面。何日訪忘
形。菱母鮮飄紫。稻孫熟變青。秋餘賽社酒。期爾到
茅亭。

三四句淡有餘味。檀道鸞續晉陽秋曰陳仲弓從諸子姪詣荀季和父子于時德星聚太史奏五百里賢人聚陶潛有停雲詩序曰停雲思親友也。

看打葉子戲作

時欲無虞恃。徒偏有道繁。杞曾鄆起晝。九向泊探
昏。塘出今仍是。臺今昔復論。一錢到千萬。自古聞。

相吞

錢希言戲暇云唐太宗問一行禪師世數師製
葉子格進之言二十世太子也同昌公主會韋
氏族于廣化里韋氏諸家好為葉子戲南唐李
浚主妃周氏編金葉子格此戲自唐咸通以來
尚之即今之紙牌其首選加朱采豈古六赤編
金之遺意乎咸定錄以為誤散子選房千里以
為升官圖楊用脩則引李洞集中李郎中夢六
赤曰打葉子之事謂此戲不傳胡元瑞以為今
之投子或如酒牌豈諸君子並未入少年場耶
漢書長安中奸猾浸多探丸為彈得赤丸者斫
武吏得黑者斫文吏世說祖車騎過江時珍飾
盈列諸公怪問之祖曰昨夜復南塘一出祖于
時恒使健兒鼓行劫鈔
在事之人亦容而不問

堆錢

堆錢擬自看。持筭便眉攢。潤屋身逾畜。欺人天且
瞞。勞生牛馬賤。多怨子孫還。每笑他家富。一傳飢
又寒。

漢賜嚴道銅山鑄錢者卒以飢死人生有命亦
何苦為錢虜耶此詩深警庸愚錢武子先生
云勞生二句
說得凜狀

聞雁

隨陽豈久住。辭朔盡哀號。避為三冬冷。飛長萬里
勞。春催向漠急。天限絕衡高。莫問帛書寄。今誰持
節旄。

時無子卿故有此作。禹貢陽鳥攸居。孔安國曰。隨陽之鳥。鴻雁之屬。五岳記。衡山有迴雁峰。以雁不過衡陽也。蘇武傳。使者謂單于言。天子射上林中。得雁。足有係帛書。言武等在某澤中。猛虎

辟易威堪假。生瘁性不馴。耽晴求噬物。張爪向平人。水野依叢叢。風霾趁曠塵。裁冠稱吏者。苛政豈

同論。

世說魏明帝于宣武場上。斫虎爪牙。縱百姓觀之。虎攀檻而吼。其聲震地。觀者無不辟易。顛仆。唐李賀。猛虎行。長戈莫春。長弩莫抨。乳孫哺子。教得生瘁。

谷水集卷之十

海鹽胡夏客宣子著

同邑陳光緯謙山箋

五言排律

陳山龍祠

粵昔惟神媪。於茲曾產龍。雷驚胎裂。蟄雲送蛻騰。踪迅攫慈葭。竈回瞻孝識。峰丘陵萬古。出潮汐一杯。衝悲咽鳴泉。迸高攜盤石。封穿樵迷詰。曲山鬼被蒙茸。斯世歷多稔。此方歲罕凶。曉趨同畝稼。夜

響。幾。邛。春。沛。暑。盭。休。婦。賽。秋。醉。息。備。精。藍。並。廟。貌。
金。碧。壯。儀。容。涎。馥。鑪。頻。炷。輕。綃。帳。細。縫。寸。珠。弄。比。
桂。尺。木。附。生。松。紛。有。奇。妖。扈。勞。忘。窺。尾。供。虛。堂。儼。
爾。動。入。戶。惕。欣。忪。鼻。鼻。長。驕。碣。蒲。牢。自。吼。鐘。櫺。疎。
薄。霧。映。磴。折。孀。烟。壅。求。鳥。仙。居。接。學。川。禹。鑿。從。洛。
川。贈。翡。翠。湘。渚。致。芙。蓉。光。怪。來。如。畫。颯。淒。遠。改。冬。
虹。蜿。駟。隱。隱。鱗。媵。隊。憧。憧。異。氣。遙。噓。濕。腥。波。層。蹴。
濃。呷。歡。灑。雨。徧。吟。聽。度。巖。重。貝。闕。邀。飛。馭。蜃。樓。斥。
列。壙。汭。間。每。散。錦。域。表。亦。歸。賓。天。地。吹。元。橐。魚。蝦。

囿。大。鎔。環。遊。千。里。近。起。蹶。九。霄。慵。不。御。行。空。勢。焉。
施。攄。澤。胃。冲。盈。效。吐。納。函。載。廓。橫。縱。乾。德。獨。乘。正。
坤。維。博。濟。雍。北。真。志。擊。水。南。國。紀。朝。宗。故。事。圖。經。
考。舊。脩。祀。典。恭。司。存。執。俎。豆。社。舉。競。笙。鏞。毛。采。薦。
羞。潔。心。傾。助。酌。醲。漱。詞。祝。錫。羨。慰。望。饗。酬。庸。谷。靜。
號。風。猛。濤。聲。翔。雪。洶。陽。輪。銜。勝。燭。陰。火。報。疑。烽。誰。
許。威。靈。測。何。當。變。化。逢。蛟。螭。攀。奮。跡。鷺。雁。泳。膏。雖。
赫。發。霆。時。令。疢。收。澍。浚。鋒。野。田。無。戰。鬪。伸。屈。可。躡。
躡。相。傍。泥。塗。辱。為。臨。象。設。顛。留。滄。歌。濯。得。今。漲。叱。

犁鬆泓下還依母。潛初即用農。臥餘情欲躍。試策
葛陂節。

唐人長律如宋駱沈杜祇以精工麗密為長至
老杜而奇偉飛動世以為能事極矣讀此更如
揚帆漲溟極目滄曠而見夫蜃樓蛟室光怪陸
離又何奇也。○竈昌瑞切吹去聲穿曠周禮卜
葬兆甫竈亦如之杯音步侯切史記取長陵一
杯土註杯手掬之也寧波志日本僧慧譯得觀
音瑞相禱曰使我國衆生無緣見佛當從所向
立精藍有項舟行竟泊潮音洞下精藍即精舍
伽藍也趙曄獻帝春秋孫榮出教曰龍欲騰翥
先階尺木酉陽雜俎龍頭上有物如博山形名
曰尺木詩魴魚頰尾之頰通作窺左傳哀十七
年如魚窺尾註窺赤也魚勞則尾赤松諸容切
韻會云松心動增韻驚也鼉音避鼉音戲爾雅
龍生九子各有所好鼉鼉好文今碑上所纏獸

蒲牢好鳴今鐘上獸一曰蒲牢海獸聲如鐘畏
鯨故鑄鐘作蒲牢及鯨形樞郎丁切說文樞樞
問子也徐鉉曰今人闌楯下為橫樞也班固西
都賦伏櫺楹以俯聽磴同澄丁鄧切小坂又登
陟之道也曹植洛神賦云余朝京師還濟洛川
又云或采明珠或拾翠羽說文翡翠赤雀青雀
廣志云翡翠色赤翠色紺皆出交州屈原九歌
湘君有云搴芙蓉註芙蓉生于水而搴之于木
喻神之難邀也蛇於袁切韻會蛇龍升貌又
蛇蜒也此以言虹之宛延也軒蒲眠切輜駟也
重曰輜輕曰駟楚詞魚鱗鱗兮媵予丹鉛錄云
江海間魚游必三如媵隨妻先一後二號為婢
妾魚唐詩江魚羣從稱妻妾塞雁連行稱弟兄
易懂懂往來行不絕貌楚詞紫貝闕兮珠宮註
云河伯所居以紫貝作闕史記天官書海旁蜃
氣象樓臺爾雅翼云雀入淮為蛤雉入海為蜃
登州志海上春夏時遙見水面有城郭市肆人
馬往來土人謂之海市即蜃樓也然不獨登州

有之吾鄉及紹興並有之木華海賦云雲錦散
 文于沙汭之際後漢書南蠻歲令人輸布一疋
 小口二丈謂之賚布大鎔猶鵬鳥賦所云大鈞
 播物者也矚以足據持也坤維者三皇本紀所
 云地維也屈原天問曰幹維焉繫南華經云北
 冥有魚其名為鵬化而為鳥其名為鵬又云鵬
 之徙于南冥也水擊三千里註真海也稽康云
 取其真冥無涯也十洲記云水黑色謂之冥詩
 云滔滔江漢南國之紀又云沔彼流水朝宗于
 海左傳澗溪沼沚之毛可薦于鬼神可羞于王
 公耐音宙新發之酒左傳見于嘗耐又醇也月
 令天子飲耐張宴曰正月旦作酒八月成名曰
 耐揚雄甘泉賦曰郵胤錫羨註錫與也美饒也
 言神明饒與福祥周禮司勳國功曰功民功曰
 庸龍祠為民間所建故曰耐庸山海經云鍾山
 之神名曰燭陰視為晝瞑為夜吹為冬呼為夏
 注曰即燭龍也又云西北海之外赤水之北有
 神焉其瞑乃晦其視乃明視燭九陰是謂燭龍

文選雪賦爛兮若燭龍銜耀照崑山拾遺記西
 海之西浮玉山有穴穴中水色如火波濤灌湯
 而火不滅名曰陰火木玄虛海賦所云陰火潛
 焚者也顧况使新羅詩云颺風晴汨起陰火
 潛燒埤倉隴墮行不進貌列仙傳壺公與費長
 房一竹杖長房婦以杖投葛陂顧視則龍也葛
 陂見第
 六卷

題乍浦望湖菴一十六韻

古戍海隅險。城東梵宇寬。迎門鋪闊浪。緣堞挿危
 巒。雲靄長時合。煙嵐無日殘。神明扶日久。世代閱
 今安。物外山元靜。禪棲劫未殫。觥稜垂曩構。輪奐
 憶前觀。春麗鮮妝過。雪零素斃看。龕燈散貝葉。潮

楚動阿蘭異地飛鐘至。侵天老樹盤。飄聲霜吼夜。
喬影暑吹寒。多有靈奇跡。還增成壞歎。采光梁画
剝。墨色榜書乾。破壁夕陽射。蕪階晨露溥。尚存千
載歸。待感四方檀。法界何興廢。勝緣有喜歡。重期
金碧煥。屈指幾多彈。

江總棲霞寺詩。梵宇調心易。禪庭數息難。班固
西都賦。上厥稜而棲金爵。註。厥。稜。闕角也。又說
類。柴慎徽曰。厥。酒器有四。稜。漢闕取其制為安
獸。處禮記。晉獻文子成室。張老曰。美哉輪焉。美
哉奐焉。註。輪。輪困高大。奐。奐衆多也。貝葉解
見第二卷。阿蘭者。阿蘭若也。翻譯名義云。阿蘭
若。或名阿練若。大論。翻。遠離。處。薩婆多論。翻。閑
靜。處。維摩經云。度百千劫。猶如彈指。俱舍曰。壯

士一彈指頃六十五刹那。僧祇云
二十念為一瞬。二十瞬名一彈指。

嘗在外邑見某氏得為鄉進士不數年又見
其死紀事志感有詩凡五十韻

華胄妄梯顯。荒篇竊榜登。居諸歌薤促。出入觸藩
仍。槩世場闡。倖况君門第。稱空巖。誑篋篋。捷徑指
驤騰。皮信羊成虎。眼忘鳩化鷹。路歧訖利市。壘斷
底師承。善價耻壘負。取盈鳴鼓興。四知驚。衆祖萬
狀。丐親朋。亟廢潭潭廈。悉捐膻膻。膝冬烘。滿橐喜
溫飽。破家矜。抗澈報彌矯。憫恍儀偽增。酒遲賓至

谷人集 卷之十
斗。藥。急。肆。賒。升。低。面。妻。同。歎。高。呼。奴。緩。磨。却。因。欲。
貴。切。翻。習。忍。羞。能。夏。楚。風。無。教。春。闈。似。小。懲。計。偕。
逼。臘。互。征。旅。犯。寒。冰。渠。凍。南。舟。阻。鞍。塵。北。站。乘。眠。
宵。蜀。葵。冷。頓。午。黍。餐。蒸。舍。館。儼。非。賤。米。鹽。值。盡。陞。
臭。煤。宿。炕。火。苦。水。曉。鍋。凌。二。月。麻。衣。集。三。季。釋。褐。
徵。罰。甌。捧。墨。汁。黜。卷。抹。硃。騰。時。命。雖。云。偶。文。章。若。
可。憑。京。都。天。校。近。試。事。日。來。澄。夢。向。故。鄉。杳。歸。三。
舊。產。恒。風。沙。敝。席。帽。旬。晷。耗。羸。膝。頻。請。繇。兼。獄。偏。
干。尉。暨。丞。厭。聽。率。爾。拒。強。頂。說。斯。憎。尤。悖。逢。儒。雅。

干。心。私。戰。兢。撞。筵。難。互。接。捉。管。易。交。陵。濫。矣。得。窮。
甚。困。而。思。學。勝。輔。仁。誓。折。節。悔。過。願。從。繩。塾。共。號。
曹。坐。牕。分。稚。升。燈。執。經。辨。菽。麥。問。字。別。淄。澠。破。倦。
將。錐。股。欠。伸。聊。枕。肱。情。堪。哀。克。盖。殃。儻。宥。如。崩。絲。
染。素。終。失。圭。磨。玷。已。曾。龜。龍。惜。黼。黻。妖。孽。侮。金。縉。
進。蕘。突。淪。谷。夷。槃。真。伐。冰。棄。材。豈。洗。桂。附。驥。即。虞。
蠅。芒。刺。起。科。目。灰。釘。送。服。膺。羸。徂。對。臆。鵬。誌。怪。異。
搏。鵬。兒。大。肩。薪。芥。女。嬌。手。汲。絙。夜。臺。屍。踞。嗜。晝。哭。
首。鬢。髻。貢。舉。猶。今。盛。賢。良。如。古。應。聞。道。珍。須。聘。休。

言河敢馮。褒奇果重袞。遇詭閒誇贈。醜亦僥昏鑑。

顏胡蒙厚層。乾坤裁或雜。旦暮照元昇。劉閣還燃

杖。剡谿餘擣藤。展書聞掩華。就誨遠擔簦。登售鼎嚴

真贗。羨淵結罟罾。在茲道未墜。之子警人弘。

先生嘗與余言。作長律須章法。照應句法。變換

以搏掄為妙。此作極其妙矣。讀此知夫已氏以

覓舉破家更折節。嚮學猶喜良。心未死。至今日

而紙袴黃緣。著詭稱理學。長論文詞。恬不知耻

矣。吾欲借先生此作為彼狂疾之鍼。○高適詩

君門嗟緬邈。身計念居諸。曰詩有云。日居月諸

故以指日月也。楊子法言云。羊質而虎皮。見草

而悅。見豺而戰。忘其皮之希也。世說新語。孔羣

曰。雖陽和布氣。鷹化為鳩。識者猶憎其眼。後漢

書。揚震傳。王密為昌邑令。夜懷金以遺震。曰。暮

夜無知者。震曰。天知神知。我知子知。何為無知

說文。滕。稻中畦也。以上朕聲。言其直應。纒也。冬

烘。指主司見第三卷。史平準書。百姓抗敞。註。消

耗貧敞也。憫。愴音赫。以楚人謂慙曰。憫。愴。唐音

膺。荅也。學記云。夏楚二物。收其威也。註。夏。擾也。楚。荆也。以警其怠忽者。漢武帝紀。徵吏民有明

當世之務。習先聖之術者。令與計偕。註。計者。上

計簿使也。每歲詣京師。偕者。俱也。令。所徵之人

與上計者。俱來。互。胡故切。廣韻。寒。凝也。禮記。月

令。互。寒。註。疏。互。閉也。謂堅固之陰。閉塞不通。陽

氣。寒。冰。之。冰。魚。稜。切。同。凝。古。文。冰。作。夂。疑。作。冰

後。人。以。冰。代。夂。以。凝。代。冰。養。音。慈。說。文。養。稻。餅

也。按。周。禮。籩。人。羞。籩。之。實。糗。餌。粉。養。註。皆。粉。稻

黍。米。所。為。合。蒸。餅。之。曰。養。養。之。黏。着。皆。以。粉。也

餌。言。糗。養。言。粉。互。相。足。其。義。也。疏。云。今。之。養。糕

之。名。出。于。此。廣。韻。飯。餅。也。集。韻。或。作。糗。餈。即。就

切。說。文。餈。賃。也。漢。食。貨。志。或。不。償。其。餈。費。註。餈

僱。也。言。不。足。償。其。僱。傭。之。費。也。揚。雄。解。嘲。或。解

七

七

七

七

七

七

七

縛而相或釋褐而傳國家會要興國二年始賜
 呂蒙正等釋褐後遂為例杜佑通典云北齊課
 試之法書有濫劣者飲墨水一升說文騰遂書
 也徐鉉曰謂移寫之資暇集承貞之前組藤為
 蓋曰席帽取其輕也南史齊武紀有云淹淫旬
 晷滕徒登切說文滕絨也增韻纏也詩邪幅在
 下註如今行滕戰國策蘇秦去秦而歸羸滕履
 矯韻會徭役之徭亦作絲通作絲漢宣帝紀有
 云擅興繇役後漢書董宣為洛陽令寧平公主
 奴殺人宣格殺之上怒欲殺之令宣叩頭謝主
 宣據地不肯低頭上勅強項令出說文莖莖也
 東方朔傳以蠡測海以莖撞鐘注莖莖也升
 古患切束髮貌詩總角升升毛傳升幼雅也箋
 云升然而稚或作升左傳襄十八年周子有兄
 而無慧不能辨苜麥故不可立澠音繩淄澠二
 水俱在臨淄列子白公問孔子曰以水投水何
 如孔子曰淄澠之合易牙嘗而知之顏氏家訓
 人問蔣濟上書云弊劫之民何字余曰劫即破

倦之破戰國策蘇秦讀書欲睡引錐自刺其股
 血流至足詩註欠欠故故人體倦則伸志倦則
 故故丘據反玉篇欠故張口也墨子曰墨子見
 漆絲者歎曰漆于蒼則蒼漆于黃則黃故漆不
 可不慎也周禮凌人大喪供夷盤造水焉所以
 寒尸置于床下說桂見第三卷伯夷傳云顏淵
 雖薦學附驥尾而行益顯吳志虞翻放棄南方
 自恨長沒海隅生無可與語死以青蠅為弔客
 漢書霍光傳宣帝始立光驂乘上嚴憚之若有
 芒刺在背故俗傳之曰霍氏之禍萌于驂乘魏
 志曹爽在獄乞棺釘與灰于司馬懿梁徐勉上
 疏請禁喪家速殯云屬纊才畢灰釘已具卷古
 遷字崔瑗張平子碑遭命不永奄忽魯祖鵬音
 服異物志所云山鴉也賈誼鵬賦云野鳥入震
 兮主人將去請問于鵬兮予去何之又云鵬乃
 歎息舉首奮翼口不能言請對以臆南華經曰
 齊諧者志怪者也諧之言曰鵬之徙于南冥也
 搏扶搖而上者九萬里夜臺見第四卷翦音朋

醫思澄切韻小補云鬚髻亂貌禮孔子曰儒
 有席上之珍以待聘注自貴而待賈者也拾遺
 記劉向校書天祿閣夜坐有老人植青藜杖吹
 杖端煙與向說洪範曰我太乙之精天帝聞卯
 金之子有傳學者下而觀焉東坡詩云溪石琢
 馬肝刻藤開玉版注云刻溪多古藤造紙光滑
 故名玉版又杜陽編云紙之妙者越之刻藤版
 宋華頴兒稱廢帝為贗天子字書雁為物也古
 止用雁字韓愈與崔十六詩前計頃垂張居然
 見真雁韓非子齊伐魯索饒鼎魯以其雁往齊
 曰雁魯曰真也蓋鶩似雁而德不侔故凡以偽
 亂真曰雁說文筮筮蓋也史記虞卿躡屩擔登
 徐廣注筮有柄者董仲舒對策
 有云臨洲羨魚不如退而結網

高麗山阡碣辭

歲乙未孟冬庚午海鹽胡夏客卜平湖縣之

高麗山奉先妣李氏宜人柩藏焉痛惟乙酉

八月不幸至於大故世方亂懼弗勝喪迄今

十季餘顛沛偷生黽勉襄事庶子職無負云

爾昔湯信公巡海上城乍浦嘗登茲山時幕

中多術士相之為吉作懸記傳之人口近有

雲間蔣道人玄珂圖其形勢住四明大慈寺

蜀行先禪師來辨北域邑文學表弟何鉉洲

景定嚮共禪師選日時三高入皆精堪輿家

言未嘗輕露閭夏客情境危苦從所請先一

旬甫竈雷忽發聲。及定山帶紫繞。四字霽朗。
群峰若縞素。咸稱休徵。爰紀之以詩。凡三百
八十六字。勒石墓側。以告後嗣。更祈四方作
者感而詠之。俾吾毋藉獲不朽。口即大感。
丘隴訖藏體。柩棧逾痛心。晨昏養莫致。寔宥事惟
欽。遘厄榮哀缺。傷貧顧慮深。藐余初在棘。羣盜故
如林。塋黷垣辰壞。光芒街鼎侵。杵真投邑市。米更
負村潯生。本泰平慣老。那離亂禁。百罹嫌駐景。一
懼訣長吟。戰鼓催哈玉。陳衣充絞紵。紛附身多有。悔

吞泣制無音。屢忍烽窺總。常拚縷試。鐔風塵誰執。
緋霜露獨沾襟。毀骨猶操杖。成聲遽予琴。巖城微
息。櫛逃屋稍聞。礎謀野行瞻峻。衝颶且冒霖。千季
告居室。白日見嶇歎。緣麓拱洲嶼。被岡翹荔葳。仙
棲寬指點。蒙出濫蹄岑。土訓圖方域。人暮審燥陰。
鬼神卜順墨。晷緯候符鍼。陟此嵐兮隧。遣車雲護
廡。六珈厝宅兆。三坂築封尋。突兀鼇頭戴。依稀馬
鬣駸。遵遺歸賻祿。從薄去璣琛。宿莽闢途蜿。新喬
起谷禽。幾何堂蔀撤。溘至廟觴斟。桓楹靡譏石。原

既富侈金。寧知因阜壑。偏許協升沉。佳氣煙煨色。
 洪濤吐納音。面陽晨浴曜。旋象旦捫。參海遠收天。
 地山高真古。今擇坐惟不食。挽鐸慕來歆。自率兒
 搭蕢。頻教婦拔簪。孝慈家故勗。誠信帝當臨。積歲
 蓼莪廢。異時松檜森。儀留奕世仰。德並厚坤任。漢
 向編前傳。晉華垂浚箴。名同靈魄永。鬱鬱識斯岑。
以淹雅之筆述仁孝之思選藻擷華如入武夷
 仙山幔亭綵屋滿眼殆以學問顯其性情者耶
 是春秋窀穸反窆音夕左傳楚子疾告大夫曰惟
 理王育說文論正曰也止也墓故其久而不選
 故以也夕暗也墓為幽室故以夕詩棘人樂樂

今注棘急也喪事欲其總總爾哀遽之狀故曰
 在棘塋贖已見第一卷鼎古文鼎字見韓道昭
 五音集韻戰國策秦甘茂曰魯人與曾參同姓
 名者殺人又織自若又一人告之其母慎投杼而
 參殺人又織自若又一人告之其母慎投杼而
 走家語子路曰由事二親之時為親負米百里
 之外親沒南游于楚積粟萬鍾欲食藜藿為親
 負米不可得也說文罹心憂也詩逢此百罹景
 日景李商隱詩檢與神方教駐景言延年也左
 傳齊吳戰于艾陵陳子行命其徒具哈玉注示
 將死也按春秋說題辭曰口寔曰哈象生時食
 也天子以珠諸侯以玉大夫以璧士以貝禮記
 內則惟絞給衾冒死而後制又問喪大斂布絞
 給縮者三橫者五陸機吊魏武帝文曰施八尺
 牀張總帳注云總細布而疏者以為靈帳說文
 鐔劔鼻也師古曰劔口旁橫出者司馬彪曰劔
 耳曲禮云助葬必執紼紼引棺索執之致力
 也釋名曰從前引曰紼紼發也發車使行也禮

云子張既除壑而見予之琴和之而和彈之而成聲作而曰先王制禮不敢不至焉說文櫛判也引易重木擊櫛爾雅木謂之櫛今江東斫木為櫛徐曰按今易作析春秋魯之擊析聞于判謂判兩木夾于門為機相擊以警夜也韻會磬音與斟同擣繒石集韻或作砧博物志公卿送夏侯嬰葬至東都門外馬踏地悲鳴得石櫛有銘曰佳城鬱鬱三千季見白日吁嗟滕公居此室乃葬之司馬相如子虛賦其高燥則生歲析苞荔注云荔馬荔葳馬藍也歲音之林反又月令荔挺出註馬薤也又爾雅歲寒漿注云今酸漿草易山下出泉蒙韻會車馬跡中水曰瑞涪涪漬也郭璞山海經序蹄涔之游無以知絳虬之騰周禮土訓掌道地圖以詔地事道地隱周禮圉人喪記牽馬而人陳廄馬亦如之廄興也興作明器之役廄馬遣車之馬人捧之亦牽而副筭加飾如步搖上飾錢氏曰今步搖飾珠少

者六多者倍蓰詩六珈則古玉數凡六也孝經卜其宅兆而安厝之鼈戴山事見第六卷檀弓昔夫子曰吾見封之若堂者矣見若坊者矣見若覆夏屋者矣見若斧者矣吾從若斧者焉馬鬣封之謂也今一日而三斬板而已封尚行夫子之志乎哉註馬鬣鬣之上其肉薄封形似之也說文璣珠不圓者按符瑞圖有璣鏡註大珠而璣有光耀可為鏡屈原離騷云夕攬中洲之宿莽注宿莽經冬不凋故原取以自喻禮云夫子居于宋見桓司馬自為石槨三年而不成夫子曰若是其靡也漢書原涉傳大治起冢舍立表署曰南陽仵人不肯從謂之原氏仵仵與阡同說文賻助也所以贈終襚衣死人也春秋隱公元年公羊曰錢財曰賻衣被曰襚穀梁曰婦生曰賻衣衾曰襚曲禮云弔喪不能賻不問其所費少儀云臣致襚于若注襚者遂彼生時之意班固典引云兩儀始分煙煙熅音因熅音氲注煙熅陰陽和貌捫參言其高也李白

蜀道難云捫參歷井仰脅息說文長箋塋墓也
 以熒省熒屋下燈燭之光古葬法多用燈然墓
 中故以熒後漢中山簡王傳大脩冢塋開神道
 禮云成子高寢疾曰吾縱生無益于人吾可以
 死害于人乎哉我死則擇不食之地而葬焉周
 王褒送葬詩挽鐸已流唱童歌行自喧晉書王
 哀以父死非罪每讀詩至哀哀父母三復流涕
 受業者為廢蓼莪漢劉向著列女傳晉張華著
 女史箴

壽表太孺人武林陸明府諱運昌之室長君

殉節進士諱培令仲圻同三季盡孝養焉

吏最助惟泚臣完教本慈範欽門內外德合世安

危胤榜如夫貴家喬匪厦持求仁成士志引義勉

兒為諸夏衣冠媿千秋巾幗奇滄桑無玉樹救水

有同枝競列閒居席兮含子舍飴斷機爭久遠恤

緯耐今茲歲月添貞筭乾坤留母儀北堂高可仰

遙並紀弁眉

幃音國婦人喪冠也諸葛亮遺司馬懿巾幗世
 說新語謝太傅問諸子姪子弟亦何預人事而
 正欲使其佳車騎玄荅曰譬如芝蘭玉樹欲使
 其生於階庭耳孝經仲尼閒居曾子侍後漢書
 馬氏曰若陰陽調和邊境清靜吾但當含飴弄
 孫不能復闕政矣左傳人有言曰嫠不恤緯而
 憂宗周之隕為將及焉穆天子傳云天子升于
 弇山乃紀丌跡于弇山之石而樹之槐眉曰西
 王母之山

萬里感詠十六韻

荒野霧迷月亂岡風吼塵彭殤總到朽塚穴迭增
新宿艸踏微徑積洿吐涸澹牧來靡已日樵罷又
經春空有地天久杳無骨肉親慘聞啾白骨驚見
走青磷榘腐憑霖洗丘崩積歲陘蓬科交枳棘樹
影臥輪囷怪語鷓如鬼立行狐肖人浮生終束縛
感反乍沾巾玉柙出凡幾漆燈滅故頻况茲埋坎
者更是流離身兵燹時方厄飢寒命又貧豈無慈
孝志可奈國家迤一鋪形骸畢百年強僊勻朝朝

薤上露陵谷共逡巡

莊子齊物論云莫壽乎殤子而彭祖為殤故王
義之蘭亭序云齊彭殤為妄作禮會子曰朋友
之墓有宿草而不哭焉註草根陳宿是暮年之
外可無哭矣榘音衛漢高帝紀令士卒從軍死
者為榘注榘小棺也今謂之櫛呂氏春秋含珠
鱗施註鱗施施玉匣于死者之體如魚鱗西京
雜記云玉匣形如鎧匣一作柙後漢禮儀志金
縷玉柙註引漢舊儀帝崩以玉為襦如鎧狀連
縫之以黃金為縷腰以下以玉為札長一尺二
寸半為柙下至足亦縫以黃金縷史記秦始皇
本紀註帝王用漆燈冢中則火不滅述異記云
闔閭夫人墓中周迴八里漆燈照爛如日月晉
書劉伶嘗携一壺酒使人荷榘隨之曰死便埋
我其遺形骸如此初學記云挽歌辭有薤露萬
里言人如薤上露易晞亦謂人死精魂歸于萬
里故有二章薤露送王公貴人萬里送士大夫

廣人

朱子葵明府六十贈詩二十四韻

宦蹟遐方著。隱搢易代堅。安危忠不改。舒卷道俱全。
 松菊怡宵晝。蕨薇養暮年。丹經今授術。白業夙依禪。
 共狎遺民老。堪追勞者賢。塞渠薪捷下。致粟舳艫牽。
 近見官盈橐。昔何俸少錢。廉稱畱溢充。牧政遠隣滇。
 雨露消蠻瘴。晴明換漏天。兒童歡竹騎。犵獠驚蒲鞭。
 述職車書阻。歸畊陵谷遷。承平卿相胄。脫險子孫傳。
 濟世真休矣。保宗豈偶然。棠培燹

後陰芸課澤存篇。每結幽閒伴。弗交勢利前。幾人
 求薦辟。惟爾避旌旃。爰岫青當牖。滄湖碧入船。新
 朝可屈指。舊族在由拳。風守家門素。雪分鬚髮玄。
 翀霄起。統膝避野拍。隨肩撓曆十周六。椿齡八紀
 千。茹芝應比皓。唾杖更殊錢。巧宿夜先度。壽星日
 繼躔。初秋月正妃。頻醉傍弦。

國史經籍志有老君丹經一卷九轉流珠神仙
 丹經二卷金液神丹經三卷如智論云受善果
 報靈隨意自在明了故名白業此詩共狎遺民
 老二句甚佳以後幅追叙其賢勞一篇以此二
 句為樞紐也河渠書武帝塞瓠子決令羣臣皆
 負薪寘決河以故薪柴少而下淇園之竹以為

捷漢武帝紀舳舻千里李斐曰舳舻後持柁處
艦舳前頭刺櫂處也朱公以水部郎督張秋河
道復守貴陽故有牧政隣滇之句瘴癘也廣韻
曰熱病番禹雜編云二三月為青草瘴四五月
為黃梅瘴六七月為新木瘴八九月為黃茅瘴
漏天解見第七卷續漢書郭伋拜并州刺史行
部至美稷百小兒各騎竹馬迎拜曰聞使君至
喜故來迎名勝志狔獠其種有五蓬頭赤脚趨
而善奔輕命死黨得人片肉卮酒即為捐軀以
赴湯火用布一幅橫腰間謂之桶裙男女同制
花布者為花狔狔紅布者為紅狔狔質涉切
唐入聲失氣而言也又懼也項籍傳諸將讐服
張湯傳羣臣震讐師古皆注云失氣也後漢劉
寬典歷三郡吏人有過但用蒲鞭示辱而已說
文徐注云芸草著書辟蠹漢種之于蘭臺石室
藏書之府禮云父歿而不忍讀父之書手澤存
焉爾李白贈宇文太守詩良圖掃沙漠別夢繞
旌旃嘉興志云笈山在千金鄉又云長水塘之

水至城南瀕為鴛鴦湖又南為滄湖輿地志由
拳縣秦時長水縣也始皇東遊以長水有天子
氣發囚徒十萬鑿之囚倦亡去遂改長水為囚
倦後轉語曰由拳史記正義黃帝受神策大撓
作甲子而容成以造曆故曰撓曆南華經曰上
古有大椿者以八千歲為春八千歲為秋漢四
皓詩有云曄曄紫芝可以療飢神仙傳彭祖姓
錢名鏗顓頊玄孫至殷已七百歲而不衰史五
帝紀注彭祖即陸終氏第三子鏗而不衰封于
大彭亦稱彭祖月令仲秋之月日在角注角在
辰壽星之次也因朱公以七月八日
生故曰巧宿夜先度壽星日繼纏

題內子錢行真小像

十四州稱霸百千季表忠旂常榮族大箕帚淋閨
中魚必河之鯉鳥為媒有娥人倫端可造內則佐

知功萬卷歸男子。六珈期小童。雞窗警晏息。螢案對宵攻。陵谷俄今改。門楣寧舊同。藁砧壯志歇。艾席老偕窮。晉室陶元亮。吳廡臯伯通。糟糠免餒畫。機杼却寒風。不謫身名事。相從偃蹇終。逸民酌覆載。淨土共房櫳。拓跋遷於洛。彌陀導自東。皈禪義了實。俟命劫觀空。琴瑟慙占鳳。圖書付夢熊。閭貧誰重範。女倦合休紅。厄運家連國。衰齡嫗共翁。此生餘淡泊。未死任汙隆。但留頭白在。非學卓吟工。

余嘗謂稽含伉儷之章揚方合權之咏祗寫濃情無關至性惟樂天贈內具見高尚之志耳狀

云他人尚相勉而况我與君則視萊婦鳩妻尚覺有間讀此作始知閨中有同志之樂結用白頭吟風流蘊藉以題像故佳考錢氏之先武肅王鏐初誅董昌盡有浙東西之地輟耕錄云貫休以詩投鏐有一劍光寒十四州之句鏐遺客吏諭之曰教和尚改十四為四十四方與見休謂吏曰州難添詩亦不改按蘇文忠集熙寧十年知杭州軍臣忤言故吳越國王錢氏墳廟蕪廢願以龍山妙曰院為觀制曰可其妙曰院改賜名曰表忠觀詩云豈其食魚必河之鯉豈其娶妻必宋之子離騷望瑤臺之偃蹇兮見有娥之佚女吾令鳩為媒兮鳩告余以不好此言媒異乎鳩也六珈見前幽明錄曰宋處宗買得長鳴雞籠着牕間雞遂作人語與震宗談論因此立功大進續晉陽秋曰車胤學而不倦家貧用練囊盛數十螢火以夜繼日說文楣秦名屋檮聯也齊謂之檮楚謂之楣唐書楊貴妃寵幸謠曰男不封侯女作妃君看女却為門楣藁砧見第

七卷高士傳老萊子把木為牀著艾為席晉陶
 潛字元亮白居易贈內詩云陶潛不營生翟氏
 自鬻薪後漢書梁鴻至吳依臯伯通居廡下賃
 春妻為具食不敢仰視伯通異之曰彼傭能使
 其妻敬之如此非凡人也乃舍之于家北史黃
 帝昌意少子受封北土黃帝以土德王北俗謂
 土為拓謂后為跋以氏馬跋魏孝文帝改為元氏遷
 跋地而長遂以氏馬跋魏孝文帝改為元氏遷
 都洛陽左傳懿氏卜妻敬仲其妻占之曰吉是
 謂鳳皇於飛和鳴鏘鏘西京雜記云司馬相如
 將聘茂陵人女為妻妻文君
 作白頭吟以自絕相如乃止

寄戶部郎中弟瀛先人著書未刻爰為促之
 應宿方身貴逢時欲宦成吾家知有後民部任非
 輕天子輿圖富地官財用盈司存設郎署分遣出

神京馮翊扶風近舟車水陸并賢勞誰可使一再
 爾當行出未雲霄遠入仍夙夜程止畿忘力役來
 旅樂譏征昔直中書秘久隨上相榮計元領郡國
 筭合掌權衡為筴度支事好論鹽鐵明大夫得令
 弟文學剝衰兄鴛鴦堪興羨鶴鴿逾動情異聞均
 素卷餘慶總華纓手澤波瀾闊葳山煙靄縈遺籤
 客借錄與絹爾如清已受新朝俸能揚先考名立
 言傳不朽移孝惜三荆作述功須繼君親恩本平
 香舍茲聽漏經教故誇羸贈驛隴枝折夢回池艸

生。亢宗兼報主。海內世芳聲。

後漢書明帝曰郎官上應列宿漢書京兆馮翊
扶風為三輔決錄註云馮馮也翊明也扶風扶
風化也通典魏文帝置度支尚書寺專掌軍國
支計吳有戶部晉有度支皆主筭也漢書元始
六年舉賢良文學之士問以民所疾苦皆對曰
顛罷鹽鉄御史大夫桑弘羊難之唐書上官儀
曰御史供奉赤墀下接武夔龍遮羽鴛鴦謂鴛
班鷺序也手澤見前注胡質為荊州刺史于威
至州定省臨婦質賜絹一匹為道糧威曰大人
清高不審安得此質曰吾俸祿之餘故以為卿
糧爾晉武帝問威曰卿孰與卿父清威曰臣不
如也臣父清畏人知臣清畏人不知齊諧記京
兆田真兄弟三人分財惟堂前紫荆樹欲破三
片其樹即枯真大驚謂諸弟曰樹本同株聞將
分斫所以顛顛是人不和木也悲不自勝不復
解樹樹應聲榮茂兄弟相感遂為孝門陸機樂

府有云三荆權同株四鳥悲異林漢官儀桓帝
時侍中刁存年耆上出雞舌香使含之漢書韋
賢傳賢為相五歲致仕少子立成復以明經歷
位至丞相故鄒魯諺曰遺子黃金滿籬不如一
經注籬竹器受四斗荆州記吳陸凱與范曄相
善自江南折梅一枝寄曄贈詩云折梅逢驛使
寄與隴頭人謝氏家錄康樂每對惠連輒得佳
語後在永嘉西堂思詩竟日不就夢惠連遂得
池塘生春州園柳變鳴禽故嘗云此語有神助
左傳太叔云吉不能亢身焉能亢宗註亢蔽也
姑蘇袁駿幼孤而貧母吳守志撫成之駿傭

書養母力不能請旌典惟逢人乞詩文頌

美積數十帙冀達之當事垂之後世也志

可哀矣為題十二韻

孤寡但堅志。賤貧亦播名。單門發撫綏。百行孝承
貞。歲月窮能固。冰霜命可爭。壺儀揚著述。內則格
神明。試考中壘傳。弗遺下里嫗。能文既有作。信史
豈無評。定許三長采。特加匹婦旌。千秋非狗勢。隻
字與褒榮。不朽列賢母。附書胤弟兄。藁砧瞑且慰。
芸帙覽應驚。困尚雪僵臥。養惟筆代畊。高臺會築
富。誰羨女懷清。

中壘解見第三卷舊唐禮部尚書鄭惟忠嘗問
劉子玄曰自古已來文士多而史才少何也曰
史才須有三長故少謂才學識也藁砧解見第
七卷汝南先賢傳曰大雪洛陽令出行見袁安

門無有行路。令人除雪入戶。見安僵臥。問何不
出。曰大雪人皆餓不宜干。人類林唐王勃所至
人請為文人。謂舌織而衣。筆畊而食。史記巴蜀
寡婦清用財自衛。秦皇帝以為貞婦。為築女懷
清臺。

同邑陳光緯謙山箋

五言排律

余為邑諸生。復遊南北國。學餘三十年。美新
功令罷。雍士學使者。下檄重錄充弟子員。
作詩贈學博。以明余志。

選異錢稱萬獻如。玉祀三徒漢折越水。隱霧散鍾

貞歲月窮能固冰霜命可爭壹儀揚著述內則格
神明試考中壘傳弗遺下里婢能文既有作信史
豈無評定詩三長采持加匹婦於千秋非狗勢隻
子與褒榮不朽列賢毋附書胤弟兄榮砧瞑且慰
芸帙覽應驚困尚雪僵臥養惟筆代咩高臺會築

高臺美女懷清

哀歌散用恨自濟泰皇帝心為良教為樂女新
入言為大人附舌辭而述筆和而食史若也置
出曰大雪人香凝不宜干入酸林書王德河至
門無亦許德令人相雪人良安圖烟問阿不

谷水集卷之十一

海鹽胡夏客宣子著

同邑陳光緯謙山箋

五言排律

余為邑諸生復遊南北國學餘三十年矣新
功令罷雍士學使者下檄重錄充弟子員
作詩贈學博以明余志

選異錢稱萬獻如玉把三徙溟折越水隱霧散鍾
嵐駿向燕求應鴉仍宋退慚同人拾有紫後輩出

於藍一第難終取五車從昔探虛名多士進大禍
 少能戡黃駭巾紛起清嗟塵罷談網留新國結衿
 剩老生襜聞道尺馳檄還令文間函面將趨就北
 翼故勅圖南今日經思挾當年笈嬾擔束脩師豈
 屑都養我何堪數仞空瞻望小人稼穡甘

唐書張鷟凡應八舉皆登甲科負半千謂人曰
 張子之文如青錢萬選萬中蔡邕琴操云卞和
 者楚野民得玉獻懷王王使樂正子占之言石
 玉以為為欺斬其一足懷王死子卒王立和復獻
 之王又以為為欺斬其一足平王死子立為荆王
 和復欲獻之恐復見害抱玉而哭涕盡續之以
 血王遣使問之和隨使獻玉王使剖之果有玉
 乃封和為陵陽侯莊子論鯤化為鵬云海運則

徙于南真真海也與溟同列女傳陶谷子妻曰
 南山有玄豹霧雨七日不下食者欲以澤其衣
 毛而成其文章故謝眺詩云雖無玄豹姿終隱
 南山霧嵐山氣也鍾嵐指金陵鍾山之氣也戰
 國策郭隗謂燕昭王曰古人遣使者賈千金市
 千里馬未至馬已死買其骨五百金而歸昔年
 千里之馬至者三王誠欲致士先從隗始春秋
 六鷁退飛過宋都唐楊知至呈同年詩有云寒
 谷漫勞鄒氏律長天獨遇宋都風蓋喻落第也
 漢書夏侯勝曰經術苟明取青紫如俛拾地芥
 韓愈賦云忽忘身之不肖兮謂青紫之可拾北
 史李謐初師小學孔璠後璠還就謐請業語曰
 青出于藍藍謝青師何常在明經後漢書張角
 事黃老道遣弟子轉相誑惑眾數十萬一時俱
 起皆着黃巾為標幟時人謂之黃巾晉書云王
 衍終日清談又云每捉玉柄麈尾與手同色名
 苑云羣鹿隨麈尾所轉為準故談者揮馬襜音
 藍說文襜無緣也徐曰襜猶濫也無緣故濫薄

說文檄二尺書以木敷聲又漢書為封長檄註
 猶長牒非羽檄也禮云若非飲食之客則布席
 席間函丈註對講說之客則兩席併中間空地
 共一丈莊子言鵬翼若垂天之雲又云背負青
 天而莫之天闕者而後乃今將圖南漢書兒寬
 受業孔安國嘗為弟子都養註供諸弟子烹炊
 也晉祈嘉亦為都養

讀史

乾坤機不息。治亂日滔滔。為痛冠裳倒。逾悲薜沐
 勞。金甌何易缺。鼎鉉故難牢。世是平時返。天非厄
 數逃。干戈湯且武。揖讓莽仍操。擇利顏多厚。守經
 智孰高。丹書誣蓋義。赤族翦英豪。大力奚能角。輕

生。略比毛憫。周賦章句。哀郢作離騷。賴有史家例。
 千秋定貶褒。

通鑑魏侯景以河南叛附于梁梁王曰我國家
 如金甌無一傷缺脫致絳紘悔之何及說文鉉
 舉鼎也易鼎卦馬註云鉉扛鼎而舉之也蔡邕
 楊司空碑頰歷卿校五登聘鉉左傳初斐豹隸
 也著于丹書注蓋犯罪沒為官奴以丹書其罪
 楊雄解嘲云不知一跌將赤吾之族也註見誅
 殺者必流血故云赤族周大夫賦黍離二章章
 十句周室顛覆也屈原九章其一為哀郢又史
 記屈原傳云離騷猶離憂也

庚寅六月紀異十韻

三伏暑當盛。積旬雨故恒。熱威垂夏至。寒勢挾靈

增。紙。扇。先。堪。棄。綈。袍。尚。欲。仍。鴈。飛。應。悔。北。蟲。語。似。
 知。冰。川。谷。年。來。改。炎。涼。時。莫。憑。愁。思。多。况。洗。陰。沴。
 倍。驕。矜。霜。有。含。冤。降。日。疑。蝕。景。升。高。田。盡。沒。穗。漲。
 水。并。漂。淺。微。禹。胥。淪。及。過。秦。無。燠。曾。羊。裘。披。亦。得。
 還。去。釣。嚴。陵。

班婕妤好怨歌行棄捐篋中息情中道絕史記
 須賈曰范對一寒如此哉取一綈袍以贈之注
 綈厚繒也鄭氏婚禮贊曰鴈侯陰陽待時乃舉
 冬南夏北貴其有所南華經曰夏蟲不可以語
 于冰者薦于時也孫綽天台山賦曰晒夏蟲之
 疑冰整輕翼而思矯克巨郢切擊上聲洗色極
 切升上聲五音集韻云克洗寒貌淮南子云鄒
 衍事燕惠王盡忠左右譖之王繫之獄竹仰天

而。歎。夏。五。月。天。為。之。下。霜。左。傳。劉。子。謂。趙。孟。曰。
 美。哉。禹。功。明。德。遠。矣。微。禹。吾。其。為。魚。乎。後。漢。書。
 嚴。光。傳。齊。國。上。言。一。男。子。披。羊。裘。釣。澤。中。帝。疑。
 其。光。遣。使。聘。之。又。云。後。人。名。其。釣。處。為。嚴。陵。瀨。

投贈新令南豐湯公

縣。譜。茲。重。見。堂。琴。夙。已。聞。廟。堂。念。海。國。閭。里。得。神。
 君。甘。洒。來。時。雨。庇。輿。蒞。浚。雲。一。陽。迎。復。候。衆。曠。煥。
 乾。震。輒。大。看。游。刃。緒。多。待。理。紛。新。條。美。黼。黻。舊。害。
 奮。鋤。耜。科。甲。學。而。仕。循。良。質。有。文。聲。華。馳。北。闕。解。
 阜。入。南。薰。四。境。傳。輿。誦。諸。生。叩。典。墳。仍。今。逢。子。固。
 若。昔。事。河。汾。澤。闊。水。稱。福。治。成。地。果。殷。公。登。宰。天。

下續始此方勤。

南史傳僧祐為山陰令子琰為武康令並著奇績時云諸傳有治縣譜子孫相傳不以示人說苑宓子賤治單父彈琴不下堂單父治後漢荀淋為朗陵侯相蒞事明理稱為神君久喬智明為隆慮令吏民愛之號為神君字話云雲文成章三墳書云月雲素雲莊子庖丁為文惠君解牛曰技經肯綮之未嘗而况大軛乎注軛軛戾大骨也又云以無厚入有間恢恢乎其于游刃必有餘地矣左傳子產從政一率與人誦之及三年又誦之宋曾鞏字子固南豐人故后山詩云嚮來一片香敬為曾南豐隋書王通脩元經讚易道弟子自遠而至隋季通教興于河汾雍雍如也陸廣微吳地記云海鹽地曰殷水水曰福見

國色天香之樓題五字二十韻

秋氣清巖桂。東颺濃海棠。本粗擊漢立。熱盛翼雲

張。閱歲深庭裏。駕茲飛閣當。綺疏春對豔。珠箔月

延光。頌禱兼斯美。高空盡在望。物華酌覆載。元契

化。瓊猗蔽蒂一何好。成林八可方。枝誇添舊馥。憩

詠到今長。自飾宜塗麝。女容慕食鮪。錦幃擁國色。

金粟散天香。沉水博山發。丹脣甘味藏。淹留展古

賦。睡起試新妝。疑是昌州近。并連靈隱旁。誰同贈

勺。藥韻賽吐都梁。君道非無姊。天庭亦有倡。廣寒

馨露彩。麗日闢霞裳。重笑暎餘俗。待分籬接黃。適

情睹且覩。佳序暖還涼。樓遮芬菲入。花頻詩酒狂。
世家誰此媿。喬木即時芳。

咏桂與海棠瑰麗滿紙却如凌雲臺材木銖兩
悉配當非凡手所能構也。○魏鶴山有巖桂詩
李贊皇花木記木以海為名者悉從海外來惟
紫綿色者謂之海棠餘悉棠梨花耳崔駟七依
有云丹柱雕楹飛閣層樓唐太宗有置酒坐飛
閣詩梁冀傳連房洞戶皆有綺疏青瑣注綺疏
謂鏤為綺文箔簾也通作薄李商隱詩珠箔輕
明拂玉墀懷音湘楚辭聊道遙以復佯一作常
羊猶道遙也詩云蔽芾甘棠註蔽芾盛貌鄭樵
通志云甘棠即今海棠山海經桂林八樹在賁
隅東注云八樹成林言其大也柳耆卿詞一粒
粟中香萬斛君看梢頭幾金粟駱賓王靈隱寺
詩桂子月中落天香雲外飄古樂府君作沉水
香妾作博山爐西京雜記丁謨作九層博山香

爐太真外傳明皇登沉香亭太真時卯醉未醒
扶掖而至帝笑曰豈妃子醉是海棠睡未足耳
花木譜云海棠有色無香惟蜀中昌州海棠並
有香其木合把故昌州號海棠香國南部新書
杭州靈隱山多桂寺僧曰月中種也至今中秋
夜往往子墜寺僧亦曾拾得勺與為同詩云伊
其相諛贈之以芍藥水經注都梁縣有山悉生
蘭草俗謂蘭為都梁廣志都梁香出交廣形如
霍香古詩博山爐中百和香鬱金蘇合及都梁
春秋感精符曰人君日月同明故兄日姊月宋
均註曰兄日子東郊姊月于西郊春秋元命苞
云翼星為樂庫為天倡以列天庭之衛主俳倡
近太微而尊廣
寒見第七卷

海三十二韻

東南逝不滿。開闢杳先淪。怒看奔今浪。揚知浸古

塵風連土囊口。地撼或圍津。百谷同宗王。三山是
宅神。乾坤迷一勺。日月汨雙輪。騁目凌窮髮。乘蹻
期翦身。槎高直入斗。桑遠慣催晨。大信朝還夕。絨
容介與鱗。物分群產異。誰合盡搜珍。珠贈鮫相泣。
寶藏龍豈貧。珊瑚網布鐵。毒瑁買兼銀。井味約通
蜀。潮頭會濫岷。祭川皆務本。筴國有如仁。誕矣騶
談禪。夸哉任擲緜。雲濤何所底。煙水自為隣。境曠
遊觀壯。情空指點伸。鰲冠隱縹緲。鯨鬣動嶙峋。錦
向沙間散。火寧陰處泯。磬鮓光曜夜。花蛙雨迎春。

天半俄成市。波中疑可臣。諸童載男女。却老訪仙
真。富貴難終戀。荒唐欲定論。黿鼉校勢力。舟楫寄
經綸。採藥憑方士。變予人鯤爭附翼。化鷗剩
息機。馴倏忽來謀竅。予勇故好向
若嘆仍頻。就下收涓滴。作應莫拒
精衛幾當湮。何似延枚叟。發詞起病呻。

潛思淵渟秀藻雲。布較張融海賦。如珠玉異類
而。同有夜光之奇。宋玉風賦盛怒于土囊之
口。註土囊大穴也。枚乘七發言觀濤有云。初發
乎。或圍之津。註或圍地名。老子江海為百谷王
者。以其善下。莊子窮髮之北。有溟海者。天地也。
曹植苦寒行。乘蹻追術士。遠在蓬萊山。樵朴子

乘騎可周流天下踏道有三法一曰龍騎二曰
 氣騎三日鹿盧騎述異記南海鮫人水居如魚
 博物志鮫人寓人家賣綃臨去泣而出珠以謝
 主人海中經云取珊瑚先作鉄網沉水底珊瑚
 貫中而生歲高二三尺有枝無葉目絞網出之
 青摧折在網中故難得完好者漢積翠池中有
 珊瑚高一丈二三尺晉石崇家有珊瑚高六七
 尺今並不聞有此高大者瑋瑁音代昧虞衡志
 云狀如龜龜背有甲十二片黑白班文南方異
 物志云大者如蘧條背上有鱗大如扇取下乃
 見其文蜀郡志云有鹽井深數丈汲水煮之一
 斛水得二斗鹽又益州記云有卓王孫井舊常
 以此井水煮鹽蜀不近海而井味遙通也水經
 及荆州記云江出岷山其源若甕口可以濫觴
 又云江至南徐名為北江而入海學記三王之
 祭川也皆先河而後海或源也或委也此之謂
 務本管子桓公問于管子曰吾何以為國對曰
 唯官山海為可耳曰何為官山對曰海王之國

謹正益筴史記鄒衍以為中國外如赤縣神州
 者九有裨海環之莊子任公為大鈞以十五
 為餌得魚而腊之淵河以東莫不厭若魚者符
 子曰東海有鼈冠蓬萊而游于滄海嶧高貌
 沙汭錦文見前木華海賦云陽水不治陰火潛
 狀山海經云文魼之魚如覆鉢鳥首有翼魚尾
 音如磬南越志石蚌得春雨則生花莊子云願
 視車轍有鮒魚焉曰我東海之波臣也徐福載
 童男女事已見第七卷列子海上好鷗者每之
 海上鷗之至者百數其父曰聞鷗從汝游取來
 吾玩之明日之海上鷗舞而不下李商隱太倉
 箴曰海翁忘機鷗故不飛海翁易慮鷗乃飛去
 莊子云南海之帝為倏北海之帝為忽謀報混
 沌之德試鑿二竅七日而混沌死又云河伯旋
 其面目望洋向若而嘆註若海神也玄中記天
 下之强者東海之沃焦沃焦山名海水灌之而
 即消山海經發鳩山有鳥曰精衛炎帝之女游
 東海溺而不返故常銜西山木石以堙東海枝

叟即枝乘作七發言楚太子疾吳客往問論觀
濤曲江進以要言妙道乃忍狀汗出霍瘳病已

偶書二十四韻

流峙何曾朽。精華隨處新。昔人還照耀。作者又嶙
峴。未少喧卑雜。仍憑浣濯純。山川藏至寶。沙石剖
奇珍。風雅寧容絕。天心亦自仁。羽儀追往哲。領袖
覺斯民。共許聲名甲。應窺工力辛。嶮嶇涉異境。正
大會通津。冥慮若馬入。浮情堯若擯。光芒驚刺目。
宮徵靜調脣。重叠峰巒聳。遷移陵谷湮。方圓知互
換。損益識相因。變化同元氣。挽回歸朴淳。昭蘇萬

彙徧。旋運一機神。溝澮曲奔海。江源送遡岷。淺深
遙已測。清濁細堪論。浮響耳誰震。至詮心獨親。難
誣膚與骨。那許玉同璠。聲寔看兼茂。洪纖儘各陳。
名花元似錦。芳草也如茵。綺袖織成疋。繭絲抽得
綸。詞場終古畫。藝苑及時春。霞綵清寧闊。雲煙點
綴真。三才統有屬。寸管是洪鈞。

抒作者之苦心寫詞場之樂事如陸士衡作文
賦正以自喻爾索解人更不易得○嶙峴山厓
重深貌嶙音嶙峴音荀杜甫折檻行千載少似
朱雲人至今折檻空嶙峴註嶙峴高貌世說新
語後來領袖有裴秀若霍國切皮膚相離聲或
作驥莊子奏刀驥狀禮樂記云蟄蟲昭蘇註蟄

初出如暗而得明如死而更生故曰昭蘇禮聘
義子貢問孔子曰君子貴玉而賤珉者何也為
玉之寡而珉之多與注珉石似玉洪鈞猶言大
鈞杜甫上韋左相詩八荒開壽域一氣轉洪鈞

無題

晴夕月堪弄春時風正恬
醺醺想金鉅的皪映珠
簾意達知遙慕目成許近覘
姍姍影乍裊嘖嘖口
恒噉步細凌波穩心狂迸火炎
逞顰歡逾憐佯詈
語如疔紅灑靨勻蟻清光懷入蟾
疑花缸焰地催
夢鼓通嚴河淺星徐度峽連雨恣
霑雞聲聞那警
鴛被味方甜暝欲長留帳日應只
落崦此生願自

不。散。朝。暮。映。重。檐。
慙。之。死。誓。何。嫌。粧。艷。餐。眸。飽。音。嬌。刺。耳。銛。行。雲。驕。

醺醺音菴覃香氣也鉅音匪古文苑司馬相如
美人賦云金鉅薰香注香毬也意即西京雜著
所云卧褥罽也皪音歷司馬相如上林賦云明
月珠子的皪江靡注的皪光貌拾遺記越貢美
女二人吳王覓以掛華之房貫珠為簾若雙鸞
之在輕霧漢武故事上起神屋以珠為簾風至
則鳴如珥珥屈原九歌云滿堂兮美人忽獨與
余兮目成注云若見神之眇我漢外戚傳上作
詩曰立而望之偏何姍姍其來遲注姍姍行貌
姍先安反曹植洛神賦凌波微步羅襪生塵註
云步水上而生塵表其異也疔詩廉切閔平聲
癘疾左傳疔作而伏靨音葉頰輔也紅灑靨勻
蟻言酒氣上靨也或疑蟻萍布芬香酷烈曹植七啓云
張載酒賦云縹蟻萍布芬香酷烈曹植七啓云

浮蟻鼎沸酷烈馨香猶似形容之辭狀度信詩
 云秋葉幾迴落春蟻未曾開已直作酒字用矣
 唐人入有以蟾字代月字者如張子容詩蟾影
 搖輕浪徐敞詩蟾光霽戶庭是也此云清光懷
 入蟾猶世說所云夏侯太初朗朗如日月之入
 懷直為佳人寫照矣缸有二音音公較鐵也音
 缸燈也唐人詩所云銀缸博古圖有王氏銅缸
 燭錠皆燈燭具虹音缸蓋古字少借較鐵之缸
 為銀缸之缸又借虹為缸也地才野切斜上聲
 燈燭燼也古詩文采雙鴛鴦裁為合歡被著以
 長相思緣以結不解又西京雜記趙飛燕為后
 女昭儀上襖三十五條中有鴛鴦被掩衣廉切
 掩崑山也山海經鳥鼠同穴西南曰崑崙下有
 寘泉日所入詩云之死矢靡他註之至也銛思
 廉切利也楊子刀不利筆不銛賈誼賦莫邪為
 鈍鉛刀為銛宋玉高唐賦云先王游高唐夢見
 一婦人曰妾巫山之女也旦為行雲暮為行雨
 朝朝暮暮陽臺之下說文檐檑也徐註曰檐謂

之摘俗
 作檐

梅林月夕宴席

宵色規新月。冰姿映古梅。暮旬漫興引。隄孟領歡

回。影互藏稍幹。雪籠淨艸苔。庭如漢珮解。局盡野

簪。開是夕人生樂。隔年已熟醅。隴郵通宿契。羿嬪

媚相陪。闈徑勞筋息。關山鳴角哀。羽觴此醉矣。商

鼎汝調哉。搗藥應供飲。吹芳總入杯。江南春不夜。

天上桂同栽。三五愁生魄。七兮指潤顙。餘光借桃

李同和栢梁臺。

爾雅正月為朏。屈原離騷有云：攝提貞于孟陬。之。交甫受佩去數十步，懷中無佩，女亦不見。易云：朋盍簪。註云：朋類合而從之，簪聚也。爾雅云：盍，合也。韻會云：酩酒未沸也。李白詩：恰似蒲桃初撥醅。郵驛也。陸凱逢驛使，事見前。羿嬪羿妻也。奔月事已見第四卷。說文：闔城內重門也。引詩：出其闔闔。徐曰：若今門外壅城門也。杜甫贈王侍御契詩云：區區甘累，跣稍稍息勞筋。晉書：束皙曰：周公成洛邑，目流水泛酒，故逸詩云：羽觴隨波。商鼎用說命，調羹意又借五音之商羽作對也。詩云：標有梅，其實七兮。漢武帝栢梁臺成，命羣臣賦詩。大官令曰：枇杷橘栗桃李梅。

陸倩濬奇謁廣德使君兄詩以壯其遊

吳興水盡處。山勢入桐川。雉堞低盛靄。隼旗起拂

烟。大川擬一道。能政紀三遷。汝祖初官此。從昆今任焉。少司馬有廟。貧子孫無田。可幸兄名貴。堪稱世產賢。薦朝剡達上。譜族載繩前。憩說棠猶在。遠思棣反偏。離情脩禮節。遊興動詩篇。帆挂長飈幅。鞍搖短鐙鞭。嵐迎紛撲面。衙退聚由拳。井徑改他代。頌聲承百年。循良得繼者。追慕自潛然。宴署合門醉。書郵隣郡傳。若通姑孰守。相報病翁痊。拙弟多疎畧。館甥不受憐。華宗尚友愛。刺史况當權。款曲沉殘漏。賦高播和箋。亂峯指訖越。堆翠眺窮宣。

仕宦誰茲比。家鄉似是連。雙鱗還往速。四海敬恭先。遙夜裝頻束。征塵衣競牽。新交逢逐逐。故老美翩翩。爾玉行逾潤。我冰歸就堅。衰顏為撫鏡。隔望共飛天。

先生自註云時余病初起余弟守太平郡與州接倩將往謁故後幅及之說文堞城上女垣也古者城三堵曰雉故曰雉堞以白堊之又曰粉堞杜詩雉堞粉如銀白氏六帖云刺史雉旗熊軾詩註旗鳥隼之旗周禮州里建旗画鳥隼取其勇捷權德輿詩深山古驛分騶騎芳草閒雲逐隼旗鐙丁鄧切馬鞍踏廣韻鞍鐙也由拳見前世說新語殷洪喬作豫章郡都下人附百許函書悉擲水中祝曰沉者自沉浮者自浮殷洪喬不能作致書郵古飲馬行云客從遠方來遺

我雙鯉魚呼童烹鯉魚中有尺素書故寓書曰雙鱗也王勃詩自狀堪淚下誰忍望征塵逐音錄逐逐衆也見廣韻晉書衛玠妻父樂廣有海內重名議者以為婦公冰清女壻玉潤漢詩何當大刀頭破鏡飛上天言半月當還也

顧翁七秩誕辰敬韻一百六十言

著姓江南顧。高山海邑橫。通翁唐遯跡。後裔世知名。幾用賓王利。仍欽隱逸貞。異乎志在穀。惟以舌為畊。書法窮羲獻。隸真及草行。詩篇饒古近。溫厚且和平。道已尊天爵。學猶親夜檠。佳兒森玉樹。教子鄙金籬。混俗襟何袒。踏塵鞵自輕。齒將開上壽。

色却轉如嬰。顛髮長留黑。方瞳時換明。重當初覽
揆。咸集舊嬰鳴。永晝臬占正。流霞杯泛盈。麥稱秋
正熟。桂對昨哉生。杖國禮更老。梓居事父兄。肩隨
偏許我。應似到蓬瀛。

此詩書法窮義獻以下以二句對二句此長律
中變調也唐人嘗有之○海鹽圖經橫山為碩
况讀書處况踰通翁拾遺記賈逵門徒來學不
遠千里獻粟盈倉或云達非力畊所得所謂舌
畊也金籬見前方瞳見七言古詩屈原離騷皇
覽揆余初度兮注覽觀也揆度也言觀我始生
年時度其日月詩云嬰其鳴矣求其友聲臬或
作繫周禮匠人水地以縣置繫以縣眠以景為
規識日出之景註繫謂立八尺之木以為表也
水地而得其平則可以量日景故樹臬于中以

懸正之也。流霞解見第二卷月令。麥秋至。注秋
者百穀成熟之期。爾雅初哉有基。皆訓始也。書
哉生明。註始生。明月三日也。集韻哉古作才。書
往哉汝諧。古文作往才。哉生明。釋文亦作哉。註
疏云。古文作才。禮云。七十杖于國。又云。釋奠于
先老。遂設三老。五更。羣老之席位焉。鄭註云。三
老。五更。各一人。皆年老更事。致仕
者也。名以三五者。取象三辰五星。

於咸集舊嬰鳴。永晝泉古正。流霞杯泛盈。麥穉秋
正熟。桂對昨哉生。杖國禮更老。梓居事父兄。肩隨
偏許我。應似到蓬瀛。

此詩書法窮義獻以下以二句對二句此長律
中更調也唐人嘗有之○海鹽國經橫山為願

昔也各以三五昔相象三尋正望門從來學不
矣正更各一人皆羊矣更車疑卦所得所謂否
矣失愈篇三矣正更華矣也氣卦焉曠結云皇
龍云古丈卦十斷云以十卦于國又云辭莫平
卦為如龍古文卦卦卦卦卦卦卦卦卦卦卦卦
若坐脚結故主脚凡三日山集踏踏古卦木書
昔百樂如燕之棋爾華所踏有基皆隨故也書
總五又也派靈輒具策二卷良今爽煉至也炸

